

酒投壺如祭公勝遊隨處題名在何必燕然紀
戰功

寄陳叔起時在永嘉不歸

閩南一別幾經秋林館鶯花憶舊遊過雁不堪
頻北望滄江無奈自東流風塵冉冉逢人少江
草萋萋向客愁白髮丹青應更好何時飛翰寄
滄洲

擬咸陽懷古

羣山迢遞走咸陽王業當年此地昌天府首開

秦社稷金城今作漢封疆澠池北入河流去軹
道西連草樹荒故苑離宮何處是空令詞客吊
興亡

代送林童子恩榮學道之延平

一棹夷猶上劔津煙霞樓觀可棲身雲山漫漫
空傷別野鶴昂昂已出塵溪路梅花千樹雪仙
家瑤草四時春他年鍊得金丹就持向高堂壽
老親

奉寄高廷禮時求賢甚急高且講學編詩

不暇

壯遊心事已蹉跎寂莫扃扉似養疴秋盡却看
來雁少暮愁空對遠山多頻傷白露摧蘭蕙獨
羨清風滿薜蘿見說新編又超絕近來衡鑑復
如何

附鄭定詩

渭上觀獵

草折涓門霜蕭蕭獵氣黃飛弓秋萬里縱馬日
千場鷗霧藏沙迥鷹風入樹長將軍驕意氣射

殺白河狼

高郵女兒歌

高郵湖水清且幽高郵女兒能盪舟十八梳粧
好高髻二十嫁夫長遠遊青菱鏡破寶釵折翡
翠衾寒疊香雪芳草王孫去不歸蟋蟀啼處秦
樓月樓前楊柳飛絮多門外蛛絲成網羅高郵
湖水增夕波高郵女兒將奈何

送僧遊五臺

浮雲心迹應無住臘月逾淮上五臺寶地近臨

天界上佛香遙度雁門來山中別友惟留偈雪
裏逢人只寄梅此去安禪高絕處舊遊知不憶
天台

伏波祠懷古

荒祠衰草已凄然猶有邦人話往年銅鼓苔生
秋雨後宮墻花落夕陽邊竹書早著平蠻策沙
井空餘飲馬泉詞客經過休感慨雲臺麟閣總
寒煙

石倉十二代詩選

明詩卷之十九終

王褒傳

王褒閩縣人也字中美博極羣書少有詩名洪武中以明經貢入成均頃之擢舉應天郡歷瑞州長沙兩郡博士遷永豐尹褒治永豐課農桑興儒學縣無逋事永樂初年朝京師考上最已而以文學表脩

高廟實錄遂擢褒爲翰林脩撰及脩永樂大典勅充總裁官褒性剛正居家以孝友聞與人交敬久而不衰人有善汲汲然獎進之閩志列在

歷代詩選
儒行傳中

石倉十二代詩選

明詩卷之二十



大明
閩縣王 褒著
後學曹學佺閱

中秋文闈讌集

盛時屬文運俊乂期登庸三載薦多士四方羅
文雄睽茲九秋半氣候何空濛嬋娟出東嶺浮
雲歛層空闈棘今夕會折桂此時同華堂入夜
開展席來相從流輝照尊俎微寒薄簾櫳柏臺
共濟濟薇垣獨雍雍王醉樂且多賓廻典未窮

攬衣望霄漢炯炯明光宮人坐辨天上鳥飛疑
鏡中合并不盡歡佳期諒難逢洗杯濯清沼移
榻當脩桐倒傾殊未已所思悟其終徘徊一分
手千里入飛蓬飄飄望南陌別過東城鐘

古意

湘江江上樓有婦彈箜篌試絃一再彈遲遲聲
且柔情繁指轉急曲長心難收一曲未及終淚
下如迸流憶昔始學時晝夜爲淹留擬將知音
託百年敘綢繆誰謂知音者如何事遠遊朱顏

能幾度青陽倏五週遺譜不復理疎絃已終投
所思在天涯望望江上舟東風昨夜至春光滿
汀洲強整昔時歡徒增今日愁願因東風翔吹
落古交州夫婿馬上迴聞之應白頭

送按察使周志新之浙江

錢唐古雄藩川陸走四方第宅富而麗士庶材
且良戎衛夾郡縣簿書垂篋筐翼翼風紀重獨
立振宏綱夫子南海彥早登君子堂金石棘寺
評冠冕柏臺行繡衣明旭日玉節嚴秋霜儀表

動朝著丹鳳鳴高岡滇池萬里道攬轡夷獠鄉
坐見歲月間化絃日以張再蒞東南政才高行
彌減致遠識騏驎蟠根別干將鬱鬱吳山秀湯
湯秀水長令聞與之俱千載期不忘

湖南田舍爲上虞沈庭珪題二首

藹藹湖中山迢迢湖上路田家大湖濱三五亦
成聚朝耕湖上田暮喚湖上渡穉子遠相迎牛
背掛農具今年喜有秋不爲租稅懼牀頭釀茆
柴取醉羅粟芋相看桑麻長焉識簪組誤縣門
久未行且樂成嫁娶

其二

湖山護人家煙火隔離落愛此湖田肥生產願
自託兒孫日長成努力趁春作驅牛耕遠郊牽
犢鋤近郭農事喜及時秋收聊可度積穰登倉
箱餘粒飽鳥雀村塲有濁醪莫負隣翁約笑爾
東西人誰識田家樂

陳坤奇耕讀軒

湯湯北溪流渺渺綠洲遠煙火隔疎籬牛羊牧

歷代詩選 明王中書
長阪我屋日綢繆我土日耕墾耒耜有時閒簡
編可舒卷清晨望東臯回首西山晚甫田帶經
鋤細雨倚書飯聊思教子孫末俗笑予蹇簪組
非所榮古道在務本

題新安汪子容壽藏卷

人生草上露回首日已晞顧非金石姿焉用千
載期昨夜高堂歡薄暮南山隱絃歌聲未歇涕
淚沾裳衣達人貴知命常用此道推樂丘事已
卜哀挽情亦悲我生諒如寄九原行當歸開樽
面息所不醉復何爲

題南康翁教授庄山讀書處

海國橫秀氣茲山鬱嵯峨羣峰青天半倒影凌
滄波庄裕古哲士結廬層巒阿遺構委蔓草巖
扉長蓬科我來屬杪秋攀躋興尤多樓觀出林
表石磴穿松蘿琴樽落葉下衣袂浮雲過羣籟
起天末長風振寒柯手招謫仙人宴坐朱顏酡
細讀紫陽碑莓苔共摩挲懷古訪陳迹賢達知
幾何愧我山野癖歲月徒蹉跎夫子金閨彥侯

庠賦菁莪散襟發逸思策杖仍長歌夔龍鳳池
上珊珊振環珂終當拂衣去接武金鑾坡

題秋林泉石圖

高林頗深邃遠洲亦縈紆風景一何異中有賢
者廬陽嗟落日明陰礪浮雲虛耕埜見秋火扣
舷聞夜漁竭來塵網中機務日相拘念茲膏肓
疾愧彼泉石圖抱拙謝簪紱養素宜琴書俯仰
天宇寬所樂恒有餘

題壁木瞻雲

征鴻度南浦慈烏號北林白雲仍在目惻惻思
難任雲飛滄江上日夕歸故岑高堂曠千里倚
門望彌深孝子愛寸晷哲人惜分陰百年顧云
邈歡樂當在今綵袖時獨戲板輿日同尋願同
白雲飛倏爾諧冲襟瞻雲念白首捧日秉赤心
狄公播英名價重雙南金

送友歸故園

凌晨石渠集步出西上門倏聞同懷友優詔歸
故園堤上金明枝裊娜春日暄折之贈行色鄉

思隨紛紛夜來沙陽月照君林下尊攬衣鶴爲
舞染翰禽能言雖云隣局歡當念王程煩早拂
琴子衣休望西山雲

南昌章叔明溪隱

冥心歷塵鞅遁跡清溪流竹下坐垂釣柳邊繫
瓢舟野逕入沙際到門有白鷗夏雨夜來過微
茫望滄洲取醉倒濁醪茅齋日淹留長歌滄浪
曲詎爲名利謀機杼隔離落牛羊下林丘衣食
聊自足安命復何求

刑部魯員外富春山讀書處

泊舟富春渚躡屩富春山荒臺見遺構下瞰滄
江寒中有績學子辛苦服儒冠巖扉入松柏猿
鳥時往還掃榻落葉下捲幔浮雲開橫經對秋
月遙音薄林巒豈講就章句斯道常先難竭來
千載餘翱翔賢士關持節出烏府典憲佐秋官
南山宿霧姿文采何斑斑高岡鳴陽侶九仞雲
達翰值此明盛時玉珮聲珊珊矯首讀書處煙
蘿邈躋攀巖陵客星隱清名滿人間出處雖異

歷代詩選 明正中 卷二
途我心求所安

題李將軍麓峰讀書處

爾祖謫仙人讀書庄山陰偉哉雲仍孫千載同
此心嗟峨麓峰色下瞰湘江深石逕入煙篠岩
扉閉雲岑橫經羣猿下散帙雙鶴臨掩耳曾生
召抱膝梁甫吟松際一片月照君石上琴七絃
引遐思清響生虛林聖代堯舜治夔龍共招尋
干羽觀苗格簫韶放鄭淫分符辭北闕錫帶垂
南金佇看文中賞遲爾瑤華音

題叅議李子華林泉書屋

開軒睇幽邃散帙當清漪愛以君子屋重此林
泉姿空翠散瑤席輕流度華池牙籤插高閣萬
卷光陸離逍遙絃頌暇魚鳥忻相隨俗慮澹若
忘談笑無厭時早逢雍熙治文雅久見推歛起
掌帝制兩籓賴綱維濟濟夔龍侶接武赤玉墀
東觀多羣籍西清騁雄詞瑩如玉壺冰燦若瓊
樹枝茗溪增秀色天日含清輝黎庶待拊字丘
園寧睽違寄聲考槃澗白首以爲期

歷代詩選 卷二十一
攸縣周克已交翠軒

夢逐春陵雲手探濂溪水溪迴氣若合萬頃清
無底雲間無極翁白髮垂兩耳青蓋駕蒼虬顧
視啓玉齒黃卷千萬言大道直如矢循環造化
機日月無停晷采華掇桂英殮臆窺石髓邃谷
珮獨聞層崖杖恒倚覺來戶牖空階除翠交委
高樹移繁陰閒花落輕葉晴光散疎簾春色侵
淨几端坐物意多萋萋望中是

題王振之思親卷

君子有所思所思良獨難高堂在何許九原路
漫漫食祿不待養衣錦誰爲歡良宵四五起中
情詎能安春至霜露零秋深風木寒感茲歲華
改惻愴頽心肝宦轍天一涯顧影形影單努力
播芳馨期以垂不刊

題邊汝賢素庵

天地一逆旅我身兀如寄風華華艷姿獨抱冲
漠志茅宇對詩書衡門絕車騎養素無外營林
泉引深契青黃木之災錦繡犧牛累人生安賤

歷代詩選
明王中書
貧所樂在適意

題陸有孚山水圖

遠山白雲裏近山青天上樓觀何巍巍金碧鬱
相望石塘照榮紆平林見空曠謾拂渡橋鞭且
憇沿崖杖良時趣自隨佳境意足暢奈此行期
促丹梯當再訪

聖孝瑞應詩

扶桑倒影掛靈谷緇衣翩翩下天竺銀潢萬里
涵輕春遙見真人調玉燭法王樓閣中天開寶

幢斜倚瓊瑤臺回頭笑指祇園樹昨日恒河沙
上來九重垂拱羨墻回卷却龍章向深殿鼎湖
煙雨泣烏弓漢宮蘭膏掩妝扇璧月玲瓏雕玉
簾佛筵挂影夜纖纖祥光萬丈照貝葉天花五
采霽層簷梵音萬口海潮小三十六宮管絃繞
松支膏露甘可飧覆地瑞雲兜率曉大孝曾聞
四海歌慈航西駕滄溟波又聞嵩山萬歲祝龜
書馬畫清時多熙熙化日長如昨十五階莫生
復落康衢黃髮笑自如何事流沙尋極樂

題道士林栖霞碧蘿猿洞

溪上垂蘿幾百尺石洞陰陰悶長日昔人學道
居其間塵世紛紛未嘗識白猿一嘯下青山藥
瓢丹竈共往還岩屏自掩明月上石牀不掃白
雲閒伊誰尋真百年後道機通玄七閩秀寶笈
仙書入夜觀鐔津霞氣臨晨漱秋風嫋嫋吹綠
蘿猿聲時答步虛歌明年買棹七峰雨洞天雞
犬知相遇

古洞閒雲歌爲莆田笑庭訢上人賦

古洞深幾許閒雲日來往惟應空門居相知慳
幽賞笑庭上人不出山身比浮雲閒夏開松闥
石榻日應掃花底巖扉時自關紛紛郁郁古洞
口白衣倏忽成蒼狗細觀色相了無蹤真空境
界那能有雲來碧峰夕雲去滄江陰上人笑傲
自無心知向白雲深處尋

送陳校官之溧陽

春歸殘臘裏行色在孤舟山入毗陵翠河經溧
水流青瑣寒榻共絳帳夜燈留時雨諸生望休

歷代詩選
明正中華
十一
過太白樓

送無爲知州鄒以信

一麾新出守五馬獨專城
啼鳥留吟珮垂楊引別旌
青山雲外見綠野雨中耕
千里皇畿內行人播政聲

送僧還莆田

都門相送處無奈柳條長
咒引天花落經翻貝葉香
浮杯吳水綠飛錫海天蒼
後夜涵江月應期到上方

送林德入成均

羨君年最少夙有子雲才
駐馬看吳苑聽鶯望粵臺
寒聲林外落暝色雁邊來
惆悵離亭思惟多白玉杯

送陳德剛歸莆

近得鍾王法才華世共稱
劒鋒看舞女筆陣笑狂僧
散帙花前席鳴琴竹裏燈
石渠成遠別白下酒如澗

送湘鄉令王子材

玉堂寒月白吟思在長沙作令時爭譽新詩衆
共誇漁家連島嶼川路入桑麻煩寄江南信疎
梅已着花

送王界善首座還莆

遠公京國久飛錫日邊還雙樹行時見三花坐
處攀浮杯滄海度定室白雲關何日辭軒冕來
尋物外閒

○養蔬四首爲漢府教授王先生作

微雨朝來過園蔬取次看韭芽欣土暖芥莢怯

霜寒畦理高低種厨供旦夕殮莫嫌藜藿舍金
玉試春盤

○其二

購起應行藥羣畦喜有成銀茄星錯落金薤筆
縱橫薑芋香生饌葱芽寸入羹南窗時一飽未
數五侯鯖

○其三

雲生花裏逕雨泛竹邊渠積水收菰米編籬護
土酥堪嗟漆園馬誰憶李膺鱸王業幽風舊殷

歷代詩選
明王中
勤敘斷壺

○其四

御冬當旨蓄應得泊芳園掛壁藏新種培泥擁
宿根萍蓋憐鳳灸玉糝詫熊蹯擬作冰壺傳雄
才獨討論

寄唐進士震

我憶京華侶經年意若何別深鄉思減客久物
情多淡月回銀燭疎鐘帶玉珂青雲如可及傾
蓋一相過

送友人之京

銀缸盛美酒江上送君行共惜孤舟別那知幾
日程闕寒逢斷雁宮曙聽新鶯早獻金門策休
論漢賈生

題雪景圖

高閣凝雲閉虛窗帶雪開烏寒空辯鷺樹暝總
疑梅遣興惟詩句銜情祗酒杯遙知函丈下已
遣二生回

題綠柳紫燕圖

歷代詩選

明王中

卷三

三

綠柳夏依依差池玄鳥飛
蹴花隨別騎銜絮點
征衣隋渚晴煙暝
章臺夕照微
衡門相托久
應傍主人歸

挽徐母施氏

極目烏程路高堂旅櫬歸
音容芳樹遠心緒片
雲飛別淚芽生饌
荒塵萊子衣
青山佳兆在寂
莫掩春暉

元夕觀燈應制

魚鑰春開虎豹關
五雲星斗近天顏
絳河月濕

金盤露火樹香分玉笋
班鳩鵲漏傳花外觀
蓬萊仗列海中山
萬方樂事同元夕
恩賜千官十日閒

送裴孝感歸省

都門霜落雁南飛
官舍蕭條獨憶歸
淡月疎星
辭帝闕亂雲高樹近
親闈淵明對酒心猶好
杜甫能詩趣不違
聞說邑人相候久
高堂莫戀老萊衣

采石江上元夕簡武昌周博士臨湘李驛

宰

朝迴無處不淹留
元夕江干繫去舟
九奏簫韶天上聽
千家燈火月中遊
焚犀壯志空流水
倚馬長才見故丘
佳節謾勞傷往事
百壺堪醉鷓鴣裘

送張指揮

龍虎旌旗度虜河
羽林諸帥擁天戈
銀潢淨洗腥膻野
玉壘窮搜雉兔窠
萬里山川傳駐蹕
九重日月共鳴珂
邊庭不用防秋計
沙漠如今總

漢歌

送曾太守之官

誰言五馬共翩翩
百丈維牽水上船
故吏青山開候館
遺民綠野趁春田
頌聲遙播啼猿外
歸夢長隨落雁邊
聞說潁川曾入相
知君未必讓先賢

次鄭校書左掖聞鶯之作

白頭著作丈人行
左掖聞鶯有短章
委佩乍分花外仗
停驂歸滯柳邊墻
謫仙老去鄉心切
賈

歷代詩選

明正中華

卷三

七

尔

至才高野趣長自笑雲泥蹤跡異無因傾耳接
飛觴

送宦行人顯回京師

儒冠歲月易蹉跎孤館相看奈別何宦裕棲遲
名獨盛王猷落魄興偏多流鶯高樹雙壺送積
雨長江一棹過自笑煙波爲客久陽關休向醉
中歌

送教諭陳廷傑歸湖口

臘月江頭送季方北山飛雪撲離觴宦廬樹影

吟邊近彭蠡江聲夢裏長晚歲重瞻堯日月清
時獨擅漢文章春來多少南歸翼母惜題緘寄
玉堂

陳主簿稔過宿賦答

君門已許解朝衣此後相期過竹扉池上青山
留客醉郢中白雪和人稀雨晴開館花空落月
上層城烏倦飛明日獨懷乘興地不堪愁思更
依依

送陳生溫陵省親

問君何處拜庭闈海國蒼茫去路微洛社舊遊
同北望溫陵積夢獨南歸春行樹外空聞鳥夜
坐花邊靜掩扉轉向高堂思綵服雲山惆悵與
心違

贈道士陳清隱

琳宮遁跡學無爲姓字休勞世上知廬阜遠公
蓮社別鑑湖賀老酒船期石牀花落因風掃丹
竈雲深近水移幾度鉤天聞九奏餘音半入步
虛詞

送校書陳秀才省親

都門雨雪正霏霏馬上雙壺送獨歸關下馬周
留客邸郡中潘岳訪親闈萬花烏喚春移棹五
柳郊原晝掩扉霄漢朋遊總知己此行休戀故
山薇

題劉儀部山水圖二首

江城四月見更生岐路勞勞慰別情秉筆南宮
詞獨擅盍簪東閣酒同傾白雲舊業燈前思青
鏡流年客裏驚自笑萍蹤也如此悠悠書劍謾

題名

其二

誰作丹青慰壯遊。瀟湘風雨謾淹留。雨深遠渚黃花夕。霜落平蕪白雁秋。樵悴屈平應有念。才華賈誼自無儔。騷人南去應腸斷。芳草寒煙不盡愁。

輓雲窩林處士

青山何處白雲窩。不見詩人掩薜蘿。策杖誰尋盤谷隱。輟耕偏憶鹿門過。芳蹊此日成桃李。野

服當年製芟荷。欲酬吟魂招楚些。三窻堪灑淚。客中歌。

輓詩

荒臺草綠鷓鴣飛。劍化龍津事已非。故國遺臣空北望。他鄉作客獨南歸。新祠海上經秋雨。舊業林間半掩扉。讀罷遺文腸欲斷。桐城何處一沾衣。

題墨梅贈蘇上舍

翠屏山水雲香別墅歸。來月在牀今日看圖。

歷代詩選 明玉中 卷一
詩興動渾如東閣送何郎

夢作

楚山飛雨濕行旌
猶記臨歧唱渭城
橫笛江頭聞折柳
斷腸偏是別離情

過九江二絕似同舟諸游好

孤舟幾日別京華
望盡南天不見家
客裏相看須盡醉
江心何用泣琵琶

其二

層峰斷岍見涵波
風景依稀灞上營
最恨春來

長是客新鶯細柳不勝情

雨中齋居寄倪炯

空齋疎雨又黃昏
那復孤燈坐掩門
縱道異鄉常不雨
舉頭看月也消魂

夏日病卧寄同舍二三知己

獨憐卧病送殘春
說着春光惱殺人
把酒看花等閒事
布衣空惹陌頭塵

題高安朱少尹蒲山書舍

林下橫門隔斷橋
溪邊草逕入雲遙
青山綠樹

歷代詩選 明 王 中 美
知多少誰道書聲到市朝

題俞紫芝臨懷素千字文

昔年艤棹桐江道草聖相傳紫芝老長風千里
吹夏雲落日空山跡如掃

題唐馬圖

錦鞵金鐸舞傾杯驛路相傳換馬臺
零落黃塵輦鼓歇祇從圖畫識龍媒

石倉十二代詩選

明詩卷之二十 終

國家圖書館 NATIONAL CENTRAL LIBRARY TAIWAN R.O.C.



高棅傳

南高氏

高氏



高廷禮長樂人春舉名棅字彥恢自稱漫士少與

同罷陳亮王恭為布衣交著詩數百篇號曰嘯

臺集嘗總唐人詩揚抑上下之太始至旁流為


十餘品然其宗旨則歸于開元天寶之間故為

品彙拾遺正聲凡三種百餘卷甚具談者謂唐

稱詩三百年風調正變其大較如此矣 永樂

時廷禮被召入翰林為待詔遷典籍著詩數卷

號曰木天集廷禮為人惇厚有至性事親以孝



聞善與人交無新故賢愚一也其爲山水畫極
工客從廷禮覓畫輒自戲曰令我作無聲詩耶
以此人稱廷禮有二絕云

高廷禮傳

終

石倉十二代詩選

明詩卷之二十一

木天集

大明

長樂高棟著

後學曹學佺閱

儲御史光羲田家雜興

野老安貧賤力作不辭苦把鋤行晨風南山看
禾黍今秋穀稍登方思廣場圃歸來茆簷下團
團聚兒女落日在西山悠然望孤渚昨宵天始
寒蟲聲滿籬戶田家衣食薄黽勉歲時取掩關
未成眠東隣響機杼

歷代詩選 明高文補
岑補闕參同諸公登慈恩寺浮圖

香界出塵表孤標屹崢嶸直上凌半空言是羽翼成迴梯接元氣磴道盤青冥雄觀隘川岳乃覺形神輕俯視寒渭白平臨終南青神州一掌中雙闕雲端明窮歷諸磴盡颯然涼飈生千峰掛飛雨秦塞何淒清早割區中緣永懷叅道情今日高興盡期君謝浮名

劉隨州長卿江中晚釣寄荆南一二相識
楚水東去遠故人離別心登舟望落日岍絕荆

門陰晚權向孤嶼收綸度前林天寒大澤暝鳥沒長淮深十載夢煙波幽期共投簪白鷗故友待向我如招尋渺渺初月色嗷嗷飛鴻杳相思若千里遙寄滄浪吟

與林九龍門夜宿遲明贈別兼寄周一玄
江郭梅已白飛霜蕭嚴冬故人惜短景握手龍門東羣壑倏暝色虛亭寒夜空明燈照孤月相對情未終明發忽惆悵拂衣如飄風長天西北傾三山落雲中中有淡蕩人孤高含清真三年

歷代詩選 卷五 五
濶風采百里悲胡秦前日遊遠方登堂別嚴親
出門向西笑逸氣凌秋旻雪度日邊棹風吟江
上蘋清詩落吳楚此地生陽春郢曲和者稀劍
歌不復陳歸來使酒氣酒酣氣益振青樓喚歌
舞日見羅衣新却笑相如宅淒涼四壁塵交歡
徒結面肝膽向誰陳因子寫遠意風期越江濱

答陳滄洲留別之作

海上春欲暮樓頭花滿林一樽風雨夕千古幽
期心平旦忽惆悵愴然惜離襟踟躕歌白雪留

贈比黃金十日不盡歡蹄岐徒悲吟舉目望雲
漢浮雲蔽重陰滄洲渺何許春水洪濤深此別
非萬里無時間微音以我子猷船期君安道琴
母爲歎白髮歲晚重招尋

顧山齋分韻志別

孤雲與獨鶴千里悵悠悠時因長風吹雙落碧
海頭鄭侯念長違董子經時別幾望西南天孤
吟嘯臺月昨日放扁舟輟棹三江流中夜造我
語片言解離憂逸興橫素襟吐辭若流水揮杯

對黃花兀然不知醉歡樂情未極復此成分飛
矯首秋風外徒驚蕙草稀

九月八日郭南山亭宴集分得下字

海國霜氣涼秋聲落遙野乾坤肅以清收納矚
多暇出郭尋幽期同人命軒駕載酒入翠微憑
高憇層榭蒼山橫黃雲大江天共瀉飛雨霞際
晴夕陽雁邊下江山滿陳迹今古成代謝千載
同一時黃花笑盈把酣歌林壑暝新月松蘿掛
高興殊未平臨風獨悲吟

望廬山作

掛席度彭蠡停橈望匡廬蒼蒼五老峰秀出東
南隅氣勢掩衡霍崢嶸壓東吳千巖散秋色倒
影澄江湖倏忽霽飛雨瀑流掛香爐懸崖殘雪
古澗落垂虹孤聳日萬仞表茫茫飛鳥無飄然
挹空翠心與浮雲俱我欲呼謫仙結巢松已枯
遲回徒仰止飛鷁上天衢

題邑生陳溢鍾山草堂

鍾山抱藍田水木合清氣愛爾靜者居草堂在

山翠簾櫳映竹開
几席侵花置野客
載酒過山僧抱琴
至陶然接歡賞逸
爾成幽契月出天
海空雲生石門閉
倚溪樵唱來沙頭
松聲細佳趣足淹
留遠心更迢遞維
時屬休明巖穴無
遺棄終南登捷徑
北山裂荷製予亦
問山靈斯人果忘
世

賦得羅浮霜月懷鄭二逸人

海國梅始白飛霜
動鳴鐘寒空一片
月掛在羅浮峰夜
色不映水清光與
之同百里皆瑤華
千

林閉幽風蕭條巖
際葉嘹唳雲邊鴻
遠客起遙念滄波
思千重夢迴明鏡
沒寂莫問幽蛩

郭晦之歸辰峰羣
公相送至光巖寺
分得

客字

化城負東郭地古
巖公宅同佩結幽
尋况值將歸客山
門坐翠微蘿逕入
松柏定水注行衣
香雲繞離席銜杯
雙樹間百里見海
色日暮各分飛空
山夜寥寂

題雲林書隱圖贈梅江許宗顯

愛爾江海居清風繼箕頴起予丘中賞逸興探
靈境紛墨含天光丹青藏雲影窗開象湖陰簾
捲龍峰頂林靜絃誦聞波空棹歌冷滄浪可洗
心白鷗待孤艇

韋蘇州應物西郊燕集

原野穀雨霽熙陽麗芳辰良遊出西郭集我平
生親野酌藉芳草飛花落衣巾時聞幽鳥哢復
眺羣山新睠此不盡歡行當念徂春同心勿睽
離願言保其真

題千里掀蓬圖 常建體

日沒川路濶松陰澄晚流掀蓬卧天色超忽江
潭秋涵月鏡中淨孤輝漾輕舟心將空際雲身
與波上鷗了視無外物曠然神遠游予亦滄浪
情從君問方洲

同羣公餞鄭五秀才至鼓山寺分題贈別

賦得臨滄亭

芳巖海上秀中峰開禪宮飛亭掛空翠直上臨
方蓬溟漲在几席天光映簾櫳目極萬里外但

見清濛濛曙色從東來晃然靈境空登臨豈不
偉別意嘆無窮

賦得春草碧色送丘少尹歸四明

春色有佳興送君惜別情
悵前見芳草綠盡空
江濤千里靄晴翠夕陽煙際深遙分白鷗水近
吹青楓林萋萋滿行衣
苒苒生別心王孫行當
歸蕪蕪思越吟

遠嶼堆藍

江晚波自濶天空諧遠尋
渚霞霽孤島綠映滄

浪深鏡日鏡中沒餘暉
在前林黛雲結玄髮碧
氣橫素襟其以罨畫山
寄君無聲吟

秋江漁唱

大川饒數罟淺瀆無吞舟
日暮收我綸唱歌度
中流歌長入空濶兩岍江
聲秋斷續和鳴榔搖
颺隨狎鷗曲終人不見
雲水空悠悠

贈友漁樵歌

我本漁樵者結交青雲人
朱門華館不下土青
山白屋歸來貧聞君愛與
漁樵友每逐漁樵在

歷代詩選 卷五 古詩 七
林藪兩屐松風萬壑間孤舟蘿月雙溪口朝與
漁者親暮與樵者隣山厨束薪煮白石野飯折
荷包紫鱗春風行歌出林曙落日叩舷渡江渚
負策閒隨黃鳥吟濯纓時對騷人語世人結交
徒結名黃金不多交不成羨君不交黃金貴却
友漁樵如弟兄

古咸陽行

長安古城盡禾黍故國荒涼變今古秦帝山河
滿夕陽漢家宮闕隨塵土咸陽昔時何壯哉離

宮複道飛空迴五陵白日歌鐘起三輔紅塵
車騎來一朝坐見繁華歇冠蓋散爲煙霧滅草木
猶纏戰血腥丘墟尚帶行輪轍年代悠悠經幾
秋空餘渭水向東流回中古道無遊輦關內何
門尋故侯傷心此地不能道惆悵雄圖成蔓草
惟有終南萬仞青年年閱盡行人老

賦得吳航渡送趙少府之京

君不見吳航渡河上蕭蕭多古樹樹根積石長
青苔應是昔人繫舟處寂莫寒潮自往還關河

北望空雲山天浮百粵榮光歇海接三吳霸氣
寒吳王城闕幾千載舸艦何年到閩海危檣峻
櫓逐飄風今日吳航名尚在江上年年春草新
城頭車馬往來頻野鳥不知驚候吏垂楊空自
送行人

題邊文進桃花雙禽畫

詞人工粉墨花底見雙禽青鳥飛來日瑤池春
色深亂紅看欲雨幽吟聽非琴莫到成蹊處金
丸滿上林

題葉士謹石林精舍

開筵餘松菊藏書富簡編硯池春霽雨琴几晚
涼天酒伴呼浮白儒生問草玄應鮑名教地倚
杖信流年

題華峰望日圖

飛步青蓮花聳身凌紫霞天鷄弄海色西掛三
峰斜燕漱太陽精逍遙金母家長安日下影迴
首望京華

賦得客中送客

在山每送客客行思未已他鄉此別君離情滿
天地長空一飛雁落日千里至故園未同歸寄
君兩行淚

野渡橫舟

落帆逗前浦渡口喧已寂野艇橫淺流空江帶
愁色漁歸絕島遙鳥度羣山夕應有待潮人吟
成山月白

牛路春耕

淺渚蒲葉長深村杏花吐東臯春事興盡室相

隨去谷鳥勸我歌青山澹吾慮日暮墜柴關牛
涔取歸路

龜湖晚釣

湖上夕水寒潛鱗避深釣野老本無營一竿掛
殘照人知白首心我愛滄浪調何必客星高將
貽故人笑

寄陳五先輩

春山曾共賞一別又西風岐路非關遠心期恨
不同暮天孤嶂靜秋水夕陽空爲有相思寄雲

邊送斷鴻

晚春寄懷林八員外董七侍讀先有遊董

巖之期

黃鳥堪求侶青山獨掩扉相思空夜月一別換
春衣江樹雲邊出林花雨外稀董巖佳賞地連
佩莫相違

夜泊官塘見新月

落日長川暝孤舟獨客愁若爲今夜月不是故
園秋片影懸珠斗微光下玉鉤心期明鏡滿情

日大刀頭

送許志學北遊

聞說幽弁北巖冬雪作花長空無過雁念子獨
辭家朔，迎仙權灤雲引客車薊門登覽處顛
望憶京華

除夕

臘盡雪初晴春迴促漏聲孤燈親遠客一歲只
殘更律候青陽轉年隨白髮生迎新應待旦端
佩謁承明

重送許子之巴西

雙鳧新被命萬里遠從官聞說巴山好何愁蜀道難
峽猿驚印綬蠻吏識衣冠聖德懷荒服賢勞莫憚煩

嶠嶼春潮

瀛洲見海色潮來如風雨初日照寒濤春聲在孤嶼
飛帆落鏡中望入桃花去

衡江夕露

大江白露下秋氣橫滄浪夜色不映水微風忽

吹裳孤舟待明月時聞蘭杜香

松嶺樵歌

峻嶺饒朽木采之行且歌歌長白雲外遠與松聲和
日落望煙歸山風吹薜蘿

九日同鄭二逸人董七侍讀林一秀才雨

中宴集朱聘君碧潭軒以微雨潭上
分得微字

微霜昨夜塞鴻飛雨裏逢君未授衣華館把杯
仙菊潤青山對面故人稀泉飛百道溪聲遠風

度重林酒氣微明日相逢乘霽景登臨不用愁
斜暉

送秀上人遠遊

一燈初別祖師禪孤月寒雲思渺然飛錫却從
紅日外浮杯還渡白鷗前尋鐘野寺經殘雪乞
食春城向暮天我有采真秋興逸相期何處聽
寒泉

寄林七膳部兼呈林懷之廣文

無諸臺下葉初黃客裏相逢值早霜秋館醉看

仙菊滿禪房坐識雨花香別來塞雁江雲隔夢
去青山海路長白髮廣文憑問訊門前還有幾
升堂

得鄭二宣海南手札

番禺天外古交州念子南行戀舊遊故國又經
花落後遠書翻寄雁來秋梅邊野飯逢人少海
上青山對客愁爲報羅浮雲影道早隨明月引
歸舟

送雪峰僧龍淵歸三山

新持半偈出青蓮孤鶴閒雲思渺然金錫來承
天漢語紫衣歸坐雪峰禪尋鐘野寺殘山外漱
齒寒流落照邊行至東林休結社松枝已偃舊
房前

江亭別

春江澹澹白鷗波一曲陽關爲爾歌莫向樽前
惜沈醉青山長在別離多

江上扁舟圖爲林維德賦

扁舟一葉楚天寒遠樹空江野照殘憶得湘潭

歸棹晚千峰倒影鏡中看

題界畫臺閣

銅雀高樓借日懸姑蘇舞榭入雲煙繁華一落
金屏影半是吳山鄴水邊

題趙大年小景

獨卧荆屏拂曙開啼鶯相喚故人來落花昨夜
迷行跡先遣家僮掃石苔

題畫秋景

疎林遠岫帶煙霏積水長天合翠微何處寒聲

隨落葉一行新雁向南飛

題赤壁圖

赤壁江山幾度秋
畫圖仍見舊時遊
祇今惟有東山月
夜夜清光照客舟

題雪毬花

玉簇雲開雪作團
輕盈冷艷不勝寒
王孫蹴踖歸來晚
猶愛冰姿鏡裏看

題紅白蓮

素艷穠華似鬪開
露房雙啓暗香來
只疑月下

瑤池會半出紅粧捧玉杯

附林伯璟

春谷友石山人見寄

朝理湖曲仄夕灌沙園菊涼風吹衣巾
落日在林谷適枉脩文者惠言比金玉
古人不可見見此亦云足矧是遺世儔
功成身不辱孰致皎皎駒徒羨翩翩鵠

望月樓爲永伯傑賦

獨夜上高樓越鄉見明月鶴髮映萱闈
蛾眉安

桂闕撫景對蒼茫經時感飄忽淚欲衣線沾心
將匣刀折潮平螺渚空天遠雁峰絕倚問知暮
頻問寢念晨缺愛日日難留瞻雲雲易滅但願
蟾兔光長照桑榆末

賦得嚴陵灘送王生偁

瓊瀾錦湍鳴濺濺釣竿羊裘卽軒冕麒麟丘墟
伯國秋鵲荒涼漢宮晚富春祠古雲霞新桐
廬臺高日月隣後人空有文辭弔過客時將蕉
荔陳知子泊舟風雪裏邈石緣沙弄清泚先生
之名雖不同先生之心尚堪比

賦得滄浪磯送劉仲謙

古冶城西行二里大夢山前見湖水勢接危欄
拍斷磯直似滄浪煙景底藕花菱葉吹香時鷄
鴻鳩鵲來去飛丹石凝雲作銅爛碧沙射日生
瓊輝胡爲同心不共賞幾度相思成獨往花宮
鐘鼓久寂寥梵宇樓臺但蒼莽適君見我自六
平報最又欲趨承明分携肯惜磯下醉留別須
題磯上名

爲張文初題畫贈洽公

禪翁安禪不出山
畫史爲畫山中閒
寒月高懸碧蘿幌
曉雲深護青松關
寶地樂聲聞澗底
梵天香氣識林端
定回幽壑猿呌斷
食邊絕嘯鳥飛還
蓋頭把茆亦自好
棲身十笏何其煩
貫休能詩誇宇內
文暢得序傳人間
新圖摩挲重歎息
舊逕髣髴窮躋攀
聽師拂塵說善果
使我拂袖辭塵寰

林枝

字昌達閩縣古平山人有効禪集

窺入定門

石門閉空翠
中有釋子居
藤蘿蔽白日
化景人世殊
真僧坐何年
膝下穿黃蘆
劫灰幾輪變
悟此因地初
茫茫圓鏡中
一脫塵垢污
斯門倘可入
余亦當結廬

清心橋晚坐

危橋臨清流
水影逗寒石
上有千仞松
年深翳蘿薜
杖策諧幽尋
吟嘯終日夕
心與寒流清
跡比浮雲寂
卽此澹忘歸
香風滿巾舄

凝霜樹

南山有嘉木翠影何離離東風麗晴旭秋月懸
枯枝冷然一夜霜曙色凝叅差恍疑雲錦張乍
若霞彩施卽茲有瓊樹何必仙路奇

自鳴石

峩峩南山石逗影青雲連時來忽長鳴聲若雷
霆喧崩騰震林木隱隱落寒泉得非天鼓墜無
乃仙樂懸物理有如此使我心凄然

題葉仕晦後山亭

灑溪一水清如玉兩岫蒹葭映寒綠白雲深處
後山亭四畔喬松覆脩竹迎風八面窗櫺開蕭
然一逕生莓苔房櫳白日琴書靜詩酒長年嘉
客來主人相對情何極引麈談玄磬平昔似結
山靈泉石盟豈伊朝市雲泥隔天書昨夜徵巖
屏束裝遠赴招賢期一官海邑香名徧千里雲
山轍跡稀三年蒞政多嘉績雲外飛鳧快雙翼
考最天官衣錦歸敘情鄉舊論心日時維秋暮
天宇清紛紛籬菊繁金英落霞孤鶩空中見水

鳥風帆望處生錦衣公子蟾宮客襟懷似與秋
波溢抹月披風七步成飛龍卧鳳揮毫得顧余
性拙耽勝遊雄詞莫繼良可羞茲辰共對尊前
酒良朋美景空淹留主人不久歸南海山中猿
鶴遙相待後夜孤琴過草亭蘿月風泉重感慨

題葉仕晦岳水風帆圖

閩江之水清如苔奔流千里何壯哉故人此日
之官去東風一道聽帆開人言此水經年代地
老天荒猶未改離心似水日夜流帆影隨風雨
相待沙頭載酒歌別離人生得意今如斯化行
海邑豚魚信澤及炎荒雨露滋春風百草桑麻
長多景樓臺日初上雞犬相聞六萬家東南百
粵通隣壤風帆去此莫躊躇父老殷勤望使車
中牟不及聞三異好覓歸鴻爲寄書

飛仙巖

高臺聳雲漢壁立何崔嵬昔年有仙人跨鶴茲
山來殮霞鍊金鼎九轉超凡胎空餘松下石積
雨生莓苔

超凡臺

古臺鬱高樹清爽軼浮埃松風度虛耳澗瀑聞
飛雷恍疑紫霞洞乍若登蓬萊仙人不可見使
我空徘徊

禮星壇

古壇隱蘿薜歲久莓苔斑昔年有真人棲隱心
自閒清宵望斗極百拜資顏顏我欲從之遊脫
屐紅塵間

飛錫峰

上人棲遁者飛錫雲外峰去留渺莫測心與浮
雲同潛山幾千仞瞬息收奇功斯人不可作誰
能繼其蹤

次三琅峰復林叔度見寄

獨向空山學採薇青泉白石共忘機晚風偏颭
離人鬢朝露還侵久客衣巖下雲飛天外沒雨
前帆影望中迷多君愛我情何厚屢遣新詩寄
落暉

琅峰掃松

酒滿清尊淚滿衣巖花冉冉雨霏霏空林日暮
悲風恁惆悵孤魂怨獨歸

百年事業獨孤墳松栢蕭蕭倚暮雲落葉滿林
回首處哀猿啼鳥不堪聞

古平山居

一片空濛紫翠浮氤氳色藹林丘若非蓬島
神仙宅應是雲間白玉樓

又

拂拂霏霏藹暮天遙看暝色翠微連道人不作

瑤池夢祇戀青松白石緣

附趙廸詩

字景哲閩縣人有鳴秋集

詠散木道人

世人尚松栢鬱鬱衆所竒斯人有深意散木寧
自期顧茲枝葉茂感彼雨露滋淹留枳棘藜藿
置空山垂工師弗我顧梁棟匪我思寂寂青山
下日暮涼風吹所以古君子讜守常自持

竹軒

訟堂寂沈沈涼飈起脩竹愛戀此君心銘軒共

幽獨歲寒色不渝青青美如玉內虛常自持外
直竟無曲朝泛渭川晴夕對湘潭綠厭種河陽
花羞同彭澤菊日與琅玕期清風聊自足

麟次臺集宴送馬自牧歸館

盍簪陟崇臺憑高豁千里清樽屬離人年光若
流水浩浩江海心悠悠雲山意天空鳥影寒日
落秋聲起對此渺予懷懸情自茲始

賦得陶母墓送別

剪髮待佳賓陶氏有賢母孤塚依空山芳名亘
千古野花咲春風山鳥啼寒雨送君歸故鄉因
之爲延佇

白菜

家園曉萋萋露葉何青白長隨苜蓿盤不近膏
梁客寫入丹青中間情聊自適

諱日

良辰更淒淒四顧慘不樂罄效似有聞想像猶
存若眷彼膝下趨儀容宛如昨分飛迅如遺骨
肉竟誰托茫茫寓太虛沈沈隔冥漠終身痛莫

歷代詩選 明趙鳳昌輯
三
伸五內崩猶割舌酒空自陳九原何由作履此
霜露晨寧不心如灼

擬崔顥長安道

長安道上春如綺朝來冠蓋奔流水誰人不畏
霍家奴甲第英雄連戚里望中車馬多如雲衛
青新拜大將軍腰間金印懸紫綬門前翠蓋擁
朱輪將軍自是椒房寵由來天幸承恩重侍獵
長楊赤羽旗陪遊上苑黃金鞞道傍青青楊柳
垂五陵年少多光輝蘭堦珠彈鳴珂去柳市銀
燈夜醉歸香塵百里花如霧乳燕雙雙春欲暮
來往惟聞歌吹聲行人識是長安路

王維桃花行

扁舟閑棹武陵曲落紅萬點春波綠乘興沿流
去不窮夾岸桃花奪人目山迴溪轉入漸深縈
紆幾度隔雲林遙看林下人家影近聽村前鷄
犬聲恍然初入如人境洞裏煙蘿白日靜蘭徑
春深玉有煙綺窗晝永花如錦驚聞客至復相
呼爭迎置酒問何如初從避地潛來此自後因

家成久居苦遭羸氏行苛法竟攜妻子塵寰別
山中猶着秦衣冠世上誰知晉年月世人那自
見山青青山一徑通仙靈遙連閬苑仙源杳不
見長安戰血腥歸來擬若攜家往祇今靈景知
何向翠壁紅泉祇獨尋芝草琅玕應難想萬壑
千峰翠黛浮多情長憶別來愁回首空山不可
問惟見桃花逐水流

挽滄洲先生陳景明

昨夜德星天上掩山中聞說太丘亡可憐幽室

重泉閉無復滄洲嘉興長蕙帳雲昏猿鶴怨蘿
衣秋冷澗泉傷元龍雅望知何在康樂襟期迥
不忌青草更聞詩思逸碧山猶想屐痕香未承
鳩杖尊桓季忽聽商山沒綺黃日永苔枝懸寶
劍夜深寒笛起山陽每懷載酒尋花徑空憶攜
琴過草堂

北邙行

北邙山下悲風急魂車磷磷男女泣浮生富貴
能幾何請君聽此薤露歌居貧艱難矣獨苦在

富光輝人送多山前翁仲咲相語貴賤應須土
中去新墳峩峩土尤濕日暮狐狸作人立白楊
蕭蕭人已歸佇看墳前長荆棘

題山水人物

德星堂倚碧山隈喬木縈紆曲澗迴蘿逕亂侵
紅葉滿松扉不揜白雲來深秋庭發黃金桂積
雨堦生碧玉苔千嶂停雲修竹暝孤琴候月綺
窗開夜涼醉倚岩前瀑香暗唵餘雪後梅谷口
幽期時悵望輞川佳興俱徘徊溪聲夢入寒猿

鷗鳥影愁將夕磬催佳句多情追沈謝閑居有
賦勝鄒枚珠林落景明窗戶翠壁飛花入酒盃
泉石趣幽依枕席芝蘭香藹近樽罍鳥聲閑對
雲間榻林影青浮江上臺卽此端居人境外更
須何處問蓬萊

寄衣曲

製就寒衣誰與將長縫短線牽人腸寸絲極於
寸心苦借問傍人同寄與封裹頻開仍覆視一
片慙慙心萬里江南十月寒不禁况我良人在

遼水天寒雨雪陰山道去日行裝豈完好今將
血泪與寒衣寄向天涯何日到

兵車行

兵車行征馬鳴路上行人皆哭聲哭聲徹天淚
滿地天地自是終無情弓箭在身刀在手父母
相隨語未了妻子牽衣在後啼兄弟束裝向前
走遙遙西上咸陽路萬里蒼茫起煙霧傾身迺
逐孤雁飛鄉鄰親戚知何處掩淚吞聲行負戈
運糧斬木北防河軍中昨夜詔書至發兵轉戍

長城地野曠天清戰血腥悲笳日暮秋風起君
不聞長城夜哭秦時鬼瀚海風煙漢家壘秦漢
爭雄幾百年有血當時成海水武皇重開邊干
戈苦未息婦人力耕鋤丈夫事行役千村少煙
火萬井惟荆棘兵革海內猶未清州司門外徵
求急君不見長城窟城下草根纏白骨人生莫
作長城卒

采蓮曲

采蓮歌歌采蓮鬢雲斜墮黃金蟬蘭橈畫舫清

歷代詩選 明起景卷 三十一
江曲珠鈿羅裙疑雲綠葉翠花紅色如綺鴉黃
粉白情如玉江上休隨鴻雁飛花前莫並鴛鴦
宿采蓮自小慣乘潮江中風浪何飄搖共怨良
人千里外顧影殘粧恨未消

王昭君歌

自顧傾城姿六宮人莫比薄倖丹青人使我恨
至死忽朝嫁我天一方託身萬里何茫茫宮月
歌殘楊柳色梨雲夢斷羅衣香玉容暝對胡天
泣昭陽恩寵何嗟及雲邊箭落雁聲寒帳中霜
重絮裘濕胡王強妾若盡歡異域不通言語難
肝腸暗與絃俱斷獨抱琵琶向月彈

古薄命

妾命薄如秋葉葉薄從風勝如妾妾薄此身何
所依葉薄常趁風中飛妾薄命如秋影影瘦伶
俖月中冷妾身強在如影輕影輕猶得隨月行
良人遠戍交河北堂上姑嫜髮應白鬢釵剪髮
奉甘旨夜製寒衣寄萬里妾命強存不如死妾
命薄何太惡容華暗向菱花落

銅雀臺

高臺已凋殘歡愛從此畢不聞歌吹聲惟見楓
葉赤春風輦路依江渚鳴璫珮玉知何處舞影
晴浮漳水雲歌聲暝作西陵雨君不見英雄割
據無復存全盛須臾那可論春深芳草官前碧
淒淒猶帶羅裙色月明風冷總帳空佳人掩泪
望陵泣

古釵嘆

古釵埋沒知何日泥中拾得重愛惜兩股盤龍
十二行釵頭仍刻雙鳳凰鬼工金錯加雕飾古
制無光土花蝕莫媿此樣不稱儀更是內家舊
時物傳聞隣女爭來看玉指摩挲復驚嘆慎勿
棄置宜深藏留取花前作珍翫

題成趣軒

幽人荷衣蕙爲帶幽居咲指秋山外碧水青山
意自長墨綬朱輪心不愛寧甘高卧絕華軒木
葉紛紛獨閉門籬落鳥鳴山火夕江村人語藤
蘿昏瓜田藥圃歸來晚月色蒼蒼隴遠斷列鼎

無論浮世榮一樽長對清輝滿林下相逢獨有
君鹿門谷口俱無聞美爾草堂慎終始莫令山
鬼空移文

塞下曲

朔北寒風起春來雪作花黃雲愁隴水白骨怨
胡沙柳暗邊塵暮營空塞日斜故園芳草綠客
夢幾還家

宿鄭五別業林處士

不見催租吏漁歌聽自頻應迷輞川路空想武

陵春落日聞清磬寒林見故人秋風如有待江
上共垂綸

客中除夕

牢落天涯夜人窮歲亦窮空山雙鬢白孤館一
燈紅鵬盡暑蘓外春來爆竹中此身如斷梗何
事苦匆匆

秋思

身世如萍梗他鄉總是愁暝燈垂入夜殘雨葉
翻秋坎止知何處睽離似勝遊虛舟從所適無

日是安流

題畫

孤亭臨水夕喬木生寒色清隱自幽人宛若出
陰客羣峰入戶青一澗當窗白日暮獨凭欄永
上歸雲濕

感懷冬夜

窮冬天地閉積雪暗河關身世隨孤雁家林隔
萬山江聲回積夢燈影對愁顏遙夜心千里瀟
瀟兩鬢斑

擬古王子安郊興

閑居春日賦清興故人同柳煙晴泣露蘋浦暗
生風水牽殘影綠花送斷香紅祗恐青山暮金
樽綠酒空

別贈蔡茂

少年重豪俠長向五陵遊醉倚夷門日歌殘易
水秋須聲煙外樹鴈影月邊樓未有蒼龍劍神
光射斗牛

別龍川尉陳海

歷代詩選 明趙景序 卷廿一 三
憶得從游日青袍各少年今來俱白首相對共
悽然我病秋山雨君行瘴海煙浮雲分散後明
月幾時圓

除夕

奄忽時空度浮雲節序遷更殘猶舊歲明發是
新年春入屠蘇裏寒消爆竹前絕憐揚子宅華
髮守青氈

挽李氏太母

七十人生少慈顏近百齡正宜樂壽考豈爲掩

泉嶺客弔山靈泣魂歸隴樹青輜車當祖載薤
露若爲聽

登餘干城

荒原落日過重城萬里蒼茫感客情鄉思雨中
和鴈斷秋風江上見人行楓林西入吳江遠驛
路東分楚水平遙望天涯流落久暮雲飛葉自
縱橫

山居

我家會住越山隈喬木春深紫翠堆堂上佩聲

朱寢度庭前山色玉屏開衣冠有恨先王後家
世應從南度來文獻祇今三百載清風白屋守
蒿萊

○秋懷

霜滿楓林江上村犬聲籬落護柴門空山落日
秋砧暝野渡荒煙晚磬昏寂寂寒燈當永夜依
依涼月對殘魂羈懷淒切空垂泪又聽前溪起
斷猿

孤鴈

折羽驚弦下渚蒲分飛歸路失相呼哀鳴天際
雲堪伴寒影江頭月共孤北度關山鄉國迥南
依湘水稻梁無弟兄此日知何在望斷窮秋恨
亦枯

咸陽懷古

鮑魚風起沙丘道五采文龍屬沛公玉斗碎殘
謀士去楚歌聲斷霸圖空東流渭水千年綠西
望驪山三月紅惟有五陵松栢在蒼蒼曾閱幾
英雄

歷代詩選 明趙景哲 卷廿一 世二
釣龍臺懷古

戍鼓城分散暮鴉無諸故壘到堪嗟青山猶記
秦封域芳草空餘越世家逐鹿旌旗雲漢杳鈞
龍臺榭夕陽斜英雄牢落今千載風雨蕭蕭起
暮笳

挽姬喬氏

紗窗落日度黃昏知是音容隔九泉華屋不聞
燈下語粧臺空想鏡中魂香羅猶染殘春泪花
逕惟餘舊襪痕獨有南宮詞客恨多情何處向

人論

送王孟揚之京

年來知己嘆飄零離歌復恐聽有恨空江
芳草綠多情落日故山青雲間征騎頻催發花
外流觴祇暫停祗恐分攜愁不極臨風長醉莫
教醒

○別舍弟宗一

粵江江上思悠悠若上扁舟雙泪流去國身飄
天外葉還家夢斷海邊秋山從鳥影當空度雲

月不言送
明起景哲
三
傍須聲入夜愁遠道六千過桂嶺窮荒垂死豈
堪投

送宮人入道

淨洗紅粧翠黛殘承恩却向太清壇羅襦已解
明珠佩寶髻新簪碧玉冠晝永閑依松下鶴春
深猶夢鏡中鸞碧雲涼月秋衾冷還似昭陽獨
寢寒

錢塘懷古

龍飛鳳舞下錢塘冠蓋朱輪散異方王業偏安

新典禮山河無復舊封疆銅駝雨冷依芳草石
鬣雲昏卧夕陽今古廢興多少恨一聲孤雁海
天長

奉和聖製從蓬萊向興慶閣道中留春望
之作

陪遊禁苑早春前鶯轉春盡入綺筵柳外翠華
承日轉花前閣道與天連管絃聲動千林曉草
木晴浮萬井煙自是宸遊多睿藻子雲偏得侍
甘泉

過賈誼宅

故宅荒涼倚碧岑，寒雲漠漠跡難尋。
書沈湘水情何極，鵬賦長沙怨已深。
空館無人啼鳥到，閑門有逕碧苔侵。
可憐前席今千載，惟有清猷自嘯吟。

蕪臺至望亭驛人家盡空，悵然有作寄從

弟紆

東吳黎庶獨何依，景物淒清舊日非。
芳草園林人不見，落花門巷燕還飛。
干戈時起風塵暮，烽火

環春來戍火微，高卧東山猶未起。
洞中花發憶茶薇。

登鼓山

車從追遊到上方，金宮鐘磬靄林塘。
彩雲寶地遙霄迥，翠壑松濤入海長。
蘿逕引盃山鳥下，石厨供饌澗泉香。
空堂清梵沈沈夕，共聽三生色相忘。

題螺洲林公魯小景

茅屋松扉水畔村，居人殊勝武陵原。
草深行逕

迷歸路花落春潮自到門石上暝琴期宿客林
間微月動清猿不知何處謝端宅婁絕空江螺
女魂

西城夜月

西城有明月照彼崇臺上萬籟夜沈沈清光獨
相向

小景

茅屋掩芳林蘿衣卧苔石空山寂無人寒雲落
秋色

虛室絃聲

空齋寂無人絲桐奏流水飛絮落寒潭靜逐浮
雲起

秋江漁唱

漁舟曉唱來聲度蘆花影月落曲未終江空釣
絲冷

遠巖堆藍

微茫江上峰青青雨中積幽人興無窮閉門對
秋色

鷓鴣

朝浴湖水濱暮宿菰蒲裏
偶值盪舟人雙雙復
飛起

書鄭公啓扇

幽人愛青山結屋空林裡
夜深林夕白雲明月在
溪水

題山水

幾家茅屋水邊村花落春潮
夕到門溪上數峰
青似染居人說是武陵原

其二

江上千峰紫翠浮松門苔
逕映清流茅堂雨絕
湘簾暝卧聽空山一夜秋

其三

九疑如黛暮雲間帝子何
年去不還唯有清猿
聽不盡蕭蕭寒雨萬重山

其四

流水人家洞裏幽清猿古
木思悠悠別家幾度
藤蘿月閒却瑤琴石上秋

晚眺

白雲深處野人家倚杖閒吟日未斜
江上數峰看欲盡晚鐘殘月入蘆花

送陳文叔分教融州

別來三載一相逢百越雲山意萬重
回鴈峰高霜月冷夢魂猶憶帝城鐘

客中元夕

花市銀燈夜向深香風羅綺迥沈沈
不知何處笙歌起傳得新愁上客心

伏枕

衰病龍鍾兩鬢華荷衣弱體不勝加
空山遙夜人聲絕一點殘燈落盡花

畫馬

塞北胡兒控驪驢豈知天廐有乘黃
春風馳道花如錦玉勒驕嘶出建章

題鄭介叔扇

谷口幽居迥不忘青山脩竹舊書堂
別來十載林間月風落松花入夢香

送林漢孟之溫陵

年來知己各離羣，况是春深又別君。
柳色青青芳草綠，停盃淒絕一江雲。

寄沈魯原

綠蘿潭島碧紛紛，門掩青山獨卧雲。
殘月空江清夢遠，令人長憶沈休文。

壯在襁褓時，不幸先人奄棄大兄尚幼荷
慈母鞠育之恩寬柔之誨至于成立命從
師學宣德乙卯濫竽科第幸叨微祿嘗痛

念先人值時多故投老林泉著作無有虛
日借夫舊槁厯存者十僅一二壯不肖弗
能光紹先志以亢厥宗焉敢汲先人之所
存敬錄諸體詩分爲鳴秋前後集命工壽
梓置于家塾垂諸永久爲我子孫珍藏而
保愛之時景泰五年歲次甲戌春三月朔
旦孤子壯謹識

林敏

字漢孟號
飄所道人

塘上行

石髮明濯濯江籬復田田蘼蕪獨何爲零落朝
露先深塘會有涯別木仍有顛條風江上行憂
來悄無邊羅衣怯素體齋沐况經年嘗以蘭蕙
心喻作金石堅誰謂膠與漆中道成弃捐不食
蓮葍苦焉知萍實妍不歎蒲柳老翻疑雨露偏
人影亂止水飛魂逐榆煙大堤回輦處合沓生
苔錢愁聞歌綠水往古皆共然

步虛詞

杳杳紫金闕飛薨集祥雲玉女擁龍旗執節推

朱輪玄元降綸音列坐諸天君瓊臺雨寶花僊
衆何繽紛赤舄跨青牛黃冠駮鶴羣冲虛奏鑾
吹不許世人聞臣愚但長跼垂紳訴衷勤秦皇
欲不死服食空多門漢武鑄金莖未能沃心焚
勅賜太上符真詮秘其文假合作容貌蟬蛻
埃氛瑤池洗毛髓彩翠仍氤氲五內洞靈曠
葩吐竒芬芝草產玉田呼龍自耕耘忽而與天
壤心影無嶙峋雲霓爲余駕虎豹向我蹲上見
風雨迹下見天地根凌風逝不返浩劫應長存

留別壺公山人

夙昔負靈異齋沐營丹砂經年竟無成乃知仙
路賒爲文何足道說劍徒矜誇神情若飄風浮
海思乘槎涵江入雲水天影明蒹葭窮源杳莫
測石瀨仍幾家月從壺山出照見菖蒲花龍吟
波上煙鳥散空中霞搖曳鳴吾琴蕙心豁天葩
夫子乃知音延之飯胡麻塵蹤未洗髓爛熳遊
天涯永懷靈境迥矯首長吁嗟

晦日稍次山谷

清溪殊險豁石瀨何淙淙尋源竟莫測又復上
幾重行處衆壑盡望中天影空於焉倏合景水
木相玲瓏濕翠翳巾烏片雲起西峰忽忽洞深
杳大圓變溟濛飛湍逗日月急雨隨蛟龍洗心
投白鳥息見期青松願因紫霞秘永諧鸞鶴蹤

夢秋

狐狸泣海月簷隙分斜光陰風颯然來萬籟秋
茫茫寒聲吊落葉遠思悲雁行寂歷夢中語心
魂亂飛揚雲根秋水淨石上秋草長逡巡破陰

歷代詩選 明本清正 四
翳白日升扶桑

曉發石竹山卧龍潭

飛軒窅洞碧溪口寒流深溪南一峰峻衆壑波
上陰杉松亂天影水月乃余心時節開竺書寂
寂空中音雜花逗秋思鳴瀑絃素琴願垂白鶴
影永矣諧幽尋

清源洞作

松栢隘石門清溪垂亂花尋源望不極水上流
胡麻衆壑相崩奔一峰凌斷霞昔人煉骨處白

石盤陽厓至今風雨來猶疑下霓車冥心道經
秘假寐紫皇家授以霹靂文晤言營丹砂

晚次流沙河

湖口寒山蒼芳草猶未歇扁舟諧遠尋曠然向
雲關北風蘆葦鳴白日波上沒其時鴻雁來擁
棹蛟龍窟遂歌滄浪清而乃濯玄髮風氣逗天
影蘿雨澤人骨石上彈玉琴清響在林樾到家
興未已夢遶松際月

春日過高逸人別墅

此地有別墅投閒尋隱淪酌君樽中醪笑我衣
上塵石竹拂瑤席野荷清角巾雙松駐白日一
水流青春盤谷憶李愿鑑湖懷季真古有逸民
傳非君誰與論

江上送鄭山人

祖帳送離人勞歌暮煙裏暝來江上宿殘日照
寒水清尊醉落花孤棹依蘆葦雨翳燈影微風
兼笛聲起後夜有相思緘書寄雙鯉

天王寺

珠宮隱上方載酒一乘輿雨歇瀑水涼雲歸古
松暎忘機野禽狎祭詠山鬼聽坐對月上時空
山響煙磬

登宿雲臺得外字

香剎辭世氛况同野人會寒巖結暎陰古殿藏
深翠目眎遠空半興落飛鳥外日暮惜解携相
看嗒然嚼

夏夜陪宗兄林八員外雙溪蘭若宴集得
夜字

散帙棲鳥時幽尋憇精舍天吟風蒲巾露飲月
侵夜煙篠澄遠心雲蘿翳長夏回看衆壑陰杳
靄鐘聲罷

寄山中人王錫

埜服逢山客探玄輔嗣甥蘇門風外嘯盤谷醉
中行候館迷征雁春城過曉鶯佇看花落盡思
爾豁吟情

題流紅圖

玉溝澄晚色金屋閉秋塵鴛被辭君寵蛾眉妬

妾身掖庭霜葉赤永巷露苔新欲寫心中事含
情祇自羶

懷宗兄林八左遷興業長史

南宮歸卧久興業左遷時誰念連枝會翻爲夢
草思鶴鶴霜霰急鴻雁信音遲佐邑應多暇長
吟謝眺詩

贈醫者

海上煙霞澗山中歲月淹引泉陰澗迥採藥晚
風恬迹比韓康隱名將子訓兼長安無二價猶

是慕清廉

期宗人林大遊華藏海

巾舄行歌接梵筵偶來松下草芊芊也知只在
秋雲裏潭水溪花到處禪

題畫

三生石上舊煙蘿九曲閒雲倚醉過滿地松花
仙夢覺春聲都入榜人歌

江南意

露侵紅粉鏡臺斑眉黛含愁蹙遠山長在深閨

那識路秋來夢遶穆陵關

湘羣剪就茜羣新愁裏風光病裏身強整釵符
隨女伴隔簾教喚賣花人

吳海

字朝宗閩縣人存
聞過齋集四卷

遊郎官峰

連山如波濤高峰盪雲日萃然孤杓聳其勢孰
可匹危攀將欲飛俯瞰覺自失羅田幾聚落端
坐見纖悉南延川源深北望海水出處高視益
遠縮地豈有術天寒霜露交收穫事已畢仍年

蝗旱餘民物盡蕭瑟邁茲得非幸惆悵寧具述
遊七巖寺同行諸君子

羅田衆山中七巖獨高秀經營將半載宿願始
得副緣雲攀鳥道十步九翫翫剛飈從北來巖
谷盡號噉促步赴層巔依石避野燒鬱然煙焰
交歛若雷電遶其勢吁可畏僮僕盡驚走須臾
得少息方覺性命有列坐咸自慶啗齧酌大斗
陰陽却變化霏雨垂白晝癡雲迷海嶼昏霧失
林藪歸途畏虎迹慘慘暝色厚幽懷莫能寫造

次宜自咎述此成短章聊用紀邂逅

夏日燕東臯亭


展席俯清池倚檻盼層巘苗綠滿平疇草秀被
長坂風度荷氣清日移樹陰轉長笑天爲高汎
觀心自遠良時會豈易莫待歲華晚

石倉十二代詩選

明詩卷之二十一 終



國家圖書館, NATIONAL CENTRAL LIBRARY, TAIWAN, R.O.C



古今圖書集成
博物彙編
人事典
卷之六

聽雨先生傳

王佐字彥舉家世本河東元末侍父宦南雄後
遂占籍南海時孫黃與佐結詩社于南園開抗
風軒以延一時名士佐才思雄渾體裁甚工黃
甚重之時謂構辭敏捷王不如孫句意沈着孫
不如王云會何真開署求士與黃首被禮聘真
敬二人者使掌書記軍旅事多見咨詢洪武六
年部使者薦于朝謂佐有才學當備顧問徵至
京師拜給事中論思補闕恒稱

上意學士宋濂嘗拜賜黃馬 上爲歌命諸詞
臣和之佐斯瀕而就有臣騎黃馬當赤心之句
上覽之而喜賜鈔一錠 上遊幸或遇會心處
多命之賦詩劉三吾嘗同詠署中桂驚其才語
高妙以爲名世之作其爲名流所重如此佐性
不樂樞要居官二載旋乞骸骨 上憐其誠特
俞所請陞辭日賜鈔五十千以爲路費士林美
之蓋天威嚴重臣僚自陳者多被譴斥佐以恭
順得歸故當時以爲難佐有聽雨瀛州二集多
歎逸郡人彭森刻於建安者僅詩一卷評者比
之高適岑參云

聽雨先生傳 終

石倉十二代詩選

明詩卷之廿一

聽雨集

大明

河東王 佐著

後學曹學佺閱

應制賜宋承旨馬

聖明天子齊唐虞四方混一同車書大宛西域
 總臣附萬馬入貢皆名駒天閑十二森成列牝
 牡驪黃色俱別羅帕輕籠錦作韉絲韁穩鞚金
 爲勒玉堂學士真老臣日月趨朝侍紫宸承恩
 特賜飛黃馬騎出通衢不動塵飛黃之精直天



歷代詩選 明三才集
駟四足騰驤若星駛况拜親題御製詩奎壁垂
芒照人世須知君恩如海深臣騎黃馬當赤心
風雲會遇有如此彤筆宜書煥古今

唐仙方技圖

開元天子承平日錦繡山河壯京室金殿璇題
表集賢玉屏粉繪圖無逸夔龍接武居阿衡萬
方旭日當文明衡山老仙何所有亦復通籍承
恩榮縞衣白髮酡顏老自說時來致身早綵篋
初開玉仗分白騾突出銀鞍小榻前製號賜通

玄始信人間別有天樓船未遣藍珠賜歲籥俄
夏天寶年九齡歸卧聞江上牛郎又入中書相
花雨香飄蘭若鐘柳雲春撲金鷄帳萬機日少
樂事多梨園法譜聲相和鬪鷄舞馬看不足寧
獨仙人選白騾仙人豈是呈仙技畫者傳之有
深意延秋門外羽書飛却駕青騾向西避青騾
劍閣雨淋鈴一段閒愁尚不勝豈道畫圖今若
此碧雲芳樹滿昭陵

題棗直閣江山勝槩圖

歷代詩選 卷三 五言 二
我昔趨神京道出匡廬峰手持綠玉杖遍踏金
芙蓉是時秋高天氣肅最愛秋聲滿巖谷萬頃
湖光帶白蘋九疊屏風挂飛瀑結巢便襖栖雲
間夔龍趨赴羣鷓鴣才名用世果何有贏得歸
來雙鬢斑至今夢想煙霞趣擬托毫縑寫情素
君家此圖誰所摸似我當時舊游處遠山縹緲
如游龍好處盡在煙嵐中晴波落日曳澄練枯
林老葉鳴秋風屠蘓高下林間起水色山光畫
圖裏軟紅無路到柴扉空翠常時撲書几中流

放棹知何人錦袍坐岸方烏巾若非高舉魯連
子應是風流賀季真我生垂老願未酬魯人詎
識東家丘圖中勝槩倘易致便從此地營菟裘

戊戌客南雄

寂寞江城晚依依獨立時迴風低鴈鷺返照散
旌旗家在無人問愁來只自知幾回揮涕淚恐
誦北征詩

憶舍弟彥常

庭草秋仍綠江楓晚漸稀年光隨水去功業與

歷代詩選 卷三 三
心遠遠海猶傳箭殊方未授衣翩翩南去鴈故
作一行飛

和元正見寄

早歲承書問草萊恐將懷抱向人開秋霜荆棘
關頭墓寒雨鈎輶海上臺鬢鬢已從青鏡改夢
魂曾逐片帆回天涯一掬思親淚待灑瀧阡萬
樹梅

酬孫典籍仲衍見寄

憶昨交游日罄懽清時曾擬共彈冠春風草檄

將軍幙夜月聯詩羽客壇江海只今來遠信雲
霄無復望飛翰惟應賸釀陶尊酒遲爾歸來共
歲寒

發龍灣別王惟吉張廷彥

日日搗毫紀玉音敢期清夢到山林賈生對策
魯前席疏傳歸來更賜金日月行瞻丹闕迥煙
霞歸去草堂深相看已是康衢叟擊壤無忘報
國心

舟次匡廬寄同朝諸公

翰墨同時侍禁闈恩榮寧謂及寒微舍人舊掌
絲綸誥御史新裁錦繡衣天上鷓鴣還接武江
邊鷗鷺已忘機他時行部如相覓秋水蘆花是
釣磯

午日呈鄭久誠叅政

百頃芙蓉罨畫船賀家湖上水平天金盤送果
沈冰碗羅扇題詩散舞筵往事氛埃成遠夢佳
辰風雨憶華年澗蒲九節根如玉服食于今笑
學仙

題李谷清雪景

梁園飛雪玉繽紛坐列金貂酒半醺借問當時
誰授簡相如詞賦最凌雲

百馬圖

蹄影參差踏軟紅魯觀萬馬擁飛龍旌旗不動
金笳歇一片川原錦繡中

竹枝詞

竹林塘西越女歸雙雙采蓮歌夕暉蘭舟蕩槳
忽分去兩岸風花高下飛

美人紅葉圖

謝家夫人詠柳絮黃陵女兒歌竹枝誰信長門
秋澹澹西風黃葉斷腸詞

附趙介詩

字伯貞番禺人
有臨清集

長門宮

翠華朝望迥長門夕思孤螢流金殿暝露下玉
階蕪昔作鳴陽鳳今爲繞樹烏愁顏空似玉咳
唾不成珠寶鏡塵將滅羅裳色漸枯淚將寒漏
水夜夜滴空壺

步虛詞

采采清露英皎潔玉不如元和合真一飲之極
甘腴自然生羽翼何用登雲車迢迢河漢上瓊
臺曠清虛未從衆仙去天風搖珮琚

寓山家留壁

有客來何方駕言自華胥囊中無一物手把太
極書象罔爲我御鴻濛爲我徒朝觀赤城標夕
弄滄海珠去來了無碍所憇卽安居青山出屋
上脩竹當坐隅好鳥時一鳴景寂心亦虛泛泛

巫峽舟迢迢大行車人心自高下于我良晏如
懷仙吟題玉樞紀卷後

我昔采藥羅浮顛仙人招我遊諸天天門洞開
三十六琳宮貝闕相連延瑤臺百丈空中起玉
女燒香月明裏天王宴坐擁羣真環珮珊珊滿
人耳中有一人號雷師龐眉皓首拜玉墀奏云
侍從五千劫未聞至論窮玄機天王含笑揮玉
拂舉首向空如畫一羣真意領寂不宣但見琪
花散空碧我時目覩心欣然萬物得一天何言

乃知至道本無物豈有文字人間傳人間所見
皆幻影欲吸晨霞駐清景須臾月落仙馭旋藥
闕瑤臺風露冷回看閭闔不可攀白雲與我留
山間倚劔長歌一壺酒籠吟萬壑松聲寒

南樓對月

夜上南樓看月色水晶簾捲銀河碧冰輪倒射
滄波寒對此清光是何夕舉酒邀月真吾酬夜
長不用秉燭遊萬里涼風滿襟袖洞庭七澤涵
清秋秋聲冷拂珊瑚樹湘娥鼓瑟鮫人語試吹

歷代詩選 明趙伯貞
玉管過行雲曲中髣髴霓裳舞霓裳舞罷迴明
璫北斗已挂西山傍但願清樽長對月今人古
人何足傷

瑤池

宴罷瑤池暮
紅碧桃花落幾番
風重來八駿
無消息擬逐青鸞入漢宮

趙臨清入五先生集跋

太祖平定華夏歸馬放牛聿興文教維時海
內文人學士彬彬輩出自江以南尤沾被聖

教之先吳下則有四傑閩有十才子廣則有
五先生皆一時詩人之選也四傑集十才子
集吳閩皆有刻或傳寫之者五先生詩選廣
有舊刻歲久朽落僅人家有藏本而亦弗全
嘉靖丁巳督府談公大叅王公咸興詩教求
五先生集于太史泰泉黃公處僅得黃李孫
王而失其一乃以汪右丞集金刻藩署足五
先生數云迨甲子歲余承乏至廣得觀是集
而私訝焉右丞固淮人也不當列于廣况先

生之稱乃後進目其先哲之辭右丞帥廣于
五先生有統攝之分不當與鄉大夫伍而金
先生之稱耳雖疑之而未獲其人與集乙丑
夏少叅峒峰曹公乃于梁中舍家得其祖父
文康公家藏舊本乃知黃李孫王之外而有
趙臨清者携其本以授余余喜其疑之得釋
命工刻之以補五先生之闕而以汪右丞詩
別自爲集竊惟趙臨清之詩刻厲奇崛何以
失傳豈以孫王黃李皆列于縉紳而趙布衣

士歟然盛唐時有王孟高岑四作者孟益亦
布衣也何嫌于金稱况志稱臨清性狷不喜
接貴官達士勸李韓母應薦卽其志固輕軒
冕而士直其官爵也視浩然不才明王棄之
句猶有不見用之怨其人品固甚懸絕得不
爲廣之高士乎高士而先生固宜又或以其
詩僅五六篇而欲遺之則趙嘏以倚樓一句
稱鄭谷以鸚鵡一篇名詩之可傳詎在多乎
哉嘉靖乙丑五月朔閩人閻窗陳暹謹識

歷代詩選

明詩卷之二十二

九

分十代詩

明詩卷之二十二終



國家圖書館, NATIONAL CENTRAL LIBRARY, TAIWAN, R.O.C

雪篷先生傳

黃哲字庸之番禺人世爲荔灣著姓哲弱冠而
孤刻苦讀書通五經嘗借人文選手抄之沈玩
究竟遂能作詩造晉唐粵域性好山水結廬蒲
澗栖息其間徃來羅浮峽山南華諸名勝自以
爲未足乃辭家陟瘦嶺過吳楚游燕齊間一時
湖海英豪皆與游焉偶雨雪時泊舟秦淮遇朱
文昭涂穎輩相與握手吟詠沽酒大噱二人喟
曰君才如白雪吾雖知音如寡和何自是益有

名龍鳳中

太祖爲吳王駐師金陵招徠名儒哲爲丞相李善長參政張昺汪廣洋所知交薦之乙巳建吳國拜哲翰林待制入書閣侍太子讀書尋兼翰林典籤輔導盡職丙午六月左丞相徐達北伐捷聞上命賦詩稱旨及鍾山祈雨獲應御製七言詩志喜命哲賡之其見重如此洪武初奉使青徐諭諸反側尋出知山東東阿縣吏胥初以儒士易之哲剖決如流案牘無停者且不

事繳繞苛察民樂其寬值旱請洪範池祠禱詞旨哀惻甘澍應時優洽民謹曰此黃公雨也很溪有惟物善爲幻能竊人啗之哲爲文禱于天湏臾風雨大作一青蛟斃水上邑人訝以爲通神時經毛貴亂後民多流徙他處聞哲善政復其業者亡慮數千人辛亥四月升東平府通判東阿士民遮道攀泣抵府境乃迓是歲黃河決梁山中書省發民疏濬哲董東平之役經畫有方民不告勞有司欲堰黃陵岡哲建議謂此乃

應代詩選
胡元之覆轍不可以爲法事遂寢尋上疏陳時
務數十事 上怒其狂妄會山東分省奏哲捐
俸脩先聖祠築水隄湖有成績乃釋不問哲亦
乞歸得允既還有司請哲領郡校事橫經授徒
歲凡數百人乙卯四月召回山東以他事註誤
竟寘于法郡邑人士家爲奠祭哲始北上時倚
篷聽雪常自詫曰天下奇音妙韻出自然者莫
是過也歸構一軒名聽雪篷學者稱曰雪篷先
生子德輿輯其詩文十卷行于世

石倉十二代詩選

明詩卷之廿三

雪篷集

大明

南海黃哲著

後學曹學佺閱

臨高臺

臨高臺高臺百仞凌雲開丹霞曙色明九垓咸
陽王氣何佳哉交疏結綺紛崔嵬虹橋複道雲
中來直過南山表雙闕遙連北極正三階宛轉
朱闌臨渭水蜚庶觀閣通天起銅龍高拱日華
鮮青雀翻翻月明裏鳴璫搖珮溢層城錦帳芙

磨不計過
卷之二
一
蓉翡翠屏寶鼎香酥調玉食金莖瑞露屑瑠英
瑤英玉食知難老鸞鏡青蛾爲誰好君王八駿
上瑤池日暮長門怨芳草芳草年年換物華瑤
池歌管醉流霞皆傳阿母桃成實又獻安期棗
似瓜蟠桃碩棗真堪羨方朔詼諧侍懽宴題詩
爭擬柏梁新求仙豈意桑田變願得層臺吏萬
重崑崙西望接崆峒能共赤松鞭彩鳳仍隨軒
后駕蒼龍顧視淒淒茂陵道惟餘隴樹生秋風

戰城南

君不問陰山救勒川胡兒飲馬來翩翩狼頭大
纛三萬落鸞弧注槊雄燕然烏桓古道黃沙塞
青塚荒原白骨田漢將鷹揚遙度磧戎兵獸駭
復窺邊邊烽夕照甘泉殿殺氣浮空白如練右
地連營夜合圍左賢鳴鏑朝馳戰聞道嫖姚新
築城先令都護出奇兵三門八陣互纏繞萬衆
一心同死生偏裨轉鬪血凝肘箭鋒流星餓鷄
吼卷甲遙塞大校旗橫戈怒落單于首愁雲慘
日共亡胡敗馬號鳴霜草枯金裘寶玦青珊瑚

閼氏花顏泣路隅含悲掩袂辭穹廬彫盤跪進
紫駝酥軍中椎牛日高會蒲萄寒香濃不醉振
旅先諭衛霍功封侯未數金章貴封侯意氣本
雄豪誰識沙場汗馬勞惟有城南征戰地髑髏
京觀長蓬蒿

白苧詞

長洲宮中花月輝彩雲夜傍瓊樓飛吳姬娉婷
白苧衣揚蘭拂蕙春風歸花籌傳觴注紅玉月
鏡當筵掩明燭低環按節宮調促嫣然一轉亂

心曲夜長酒多懽未足驚烏啼向東苑樹星河
闌干正當戶明眸皓齒歌白苧蛾眉嬋娟花月
姤含情奉君君莫顧雲中璧月易盈虧葉底穠
華多盛衰願爲寶階千歲石長近君王雙履綦
雉朝飛

野田無人蒿草薄羣雉斑斑草中落五月禾熟
桐風清南陂北陂聲啞啞東方漸高晨露晞金
翎繡項爭光輝桑畦如霧行不見雄鳴挾雌驚
復飛渴飲幽澗泉饑啄野田粟羣雛來哺聲粥

彌寧向郊原抱耿介不羨雲霄競高逐魯恭慈
仁桑陰自馴鰥笑竊傷憤牧采薪下防虞羅上
畏鵬鷲桑願垂涎羣動交虐聖人祝網天網疎
八紘山澤無畷漁蓬機艾戈無爾圖朝出陌上
飛暮還蒿下居翼衆雜兮行且呼飲而啄兮寧
爾軀雉兮雉兮樂何如慎勿變化陳倉爲恠誣

烏棲曲

九月過姑蘓江頭霜草枯吹風吹葉盡愁殺夜
棲烏棲烏月明裏霜重驚還起無處托安巢啞

啞渡江水江波淺復深東去無還心白苧吳宮
曲能成哀怨音只言懽樂長相保青春幾時秋
又老可憐西子斷腸花不及虞姬美人草舞罷
垂楊金縷衣椒房絳燭明星稀越騎爭馳海山
動吳歌尚繞梁塵飛梁塵飛飛白苧哀烏啼夜
半閨門開鷓夷浮江麋鹿來月明猶照姑蘓臺
自君之出矣

自君之出矣無處托鱗音思君如晝燭淚盡不
明心

初八書閣呈董宗文博士兼簡同舍諸公
河關歎王氣淮南擅英靈天眷廸皇運人謀歸
聖能石城雄虎踞鍾阜宛龍騰紫署弘東閣青
門踐北陵來王玉帛至訪道蒲輪徵髦英起幽
谷俊乂羅明庭變豹蔚萃彩非熊聞作興朝儀
制述美錫賚恩庥承前席思賈誼橫經推戴憑
奚爲遠枝鵲亦企圖南鵬芸軒蠹簡輯蘭署鴛
班升高策屢懷董名流知慕膺追陪虎禁人被
遇龍門登仍慙匠石顧用匪輿輪勝毋云弃樗

朽廢以從規繩

○十月二十二日四望山陪祀禮成呈諸執
事

玄明開朔序禋類卜辰良武成遵誓命汾時備
馨香惟皇儼雍穆對越思洋洋疑旒仰坤壤授
律挾乾綱風雲從龍虎樂舞登鳳凰珪幣有容
秩綏纓紛煥煌苾芬旣明誠盼蠻迴穹蒼茲焉
趨昌運赤伏臻遐祥徂征乃自葛義旅時膺揚
同德奮熊羆桓桓先啓行阿衡重麾鉞跪轂觀

旂常海岱仍率職堪輿希泰康繁祠陋衰典昭
告紀興王羣英聿來助委珮鏘珩璜多儀動文
彩列宿開榮光庸繭忝趨承賡歌聆頌章宸猷
願終述豁達垂無疆

過梁昭明太子墓

帝子降南浦飄飄蒼桂陰神靈迴震闕玄跡闕
坤岑鳳陵輝璞蘊龍沼媚珠沈文藻綺華黻芳
芬揚素襟遺編軼正雅曠代馳徽音玉馬風雲
變金鳧歲月深霜蘭秋被坂煙蘿夕翳林采蘋

思永薦捐珎遂幽尋靈脩忽爾逝歲晏勞予心
遼東鶴馭遠緱嶺鸞笙吟眇眇因懷昔營營徒
慨今瑤華竟衰歇惆悵雍門琴

送道士蔣玉壺還茅山

華陽初慕道羽服依巖際辟穀咽晨霞朝元結
真氣朗吟扶桑頌伏謁三茅氏却駕雲中龍來
游人間世談玄蓋珠闕稽首張樂地調笑笑芙蓉
笙聲飄鳳凰風吹僕愧金門彥時聞玉簫偈方忻
蘭苑晤忽念荷衣逝欲和瑤臺章幡然紫煙閉

石室縈翠芝丹丘藹松桂望望勞予心猶懷碧
山契

○東平謁堯祠

初政禮羣秩晨趨鄆陰郭稽古詢道源放勳久
徂落齋宮委華枕黼辰銷丹堊庭榛雉雉升裳
薜宗彝剥惟馨思可薦廢墮予猶忤緬言垂衣
時東符茲方岳儀像儼欽明聲容被綿邈茅茨
遵曩儉堦奠傳舊朔遺澤紛在斯今皇仰先覺
亦播康衢謠紹爾雍熙樂

○曲阜里謁廟

解組辭鄆郭驅車循魯坳前登闕里近端仰素
玉靈筓蘭遺芳潔神檜鬱葱青時化洽千祀奎
光浮四溟多儀殷廟享斯文傳壁經几筵猶設
肅容秩儼克庭所念迷塗者空瞻明德馨困蒙
今獲吝幽悱未遑寧靡靡寒水至塗塗朝露疑
邇回馳驅意夙夜思儀刑

洪範祠龍池禱雨獲應會隱士劉文正暨

邑中羣彥

齊沐戒徒御星言趨絳壇屬茲愆陽序雩祀罄
衷丹龍湫窅深闕神物時蜿蟺馨潔始云薦靈
祈紛可干沛然感敷施霖霖濟多難浙浙在林
畹冥冥被岡巒焦原幸沾濡庶類同忻懽鳴鶴
集穹窒翔鱗躍紋瀾郊垵悅童耄庠塾慶衣冠
所協詠歸趣方希民俗安賡歌誦雲漢玄化奚
能殫

弔陳思王

鄴都雄盛日英才妙七賢夫君照乘珠五色麗

且鮮西園倡華藻東洛賦嬋娟游鸞翔朝旭芳
藻映碧漣始協棣華美寧虞箕豆煎桐圭空錫
社銀海閉陰泉白楊霧荆榛狐兔穴其阡喟然
兼山嘆肯企淮南倦

贈劉宗弼司業赴浙西僉事

晨頒錦花誥夕歛絳紗帷聊當持憲節詎是解
逢衣於越山水秀吳江鱸膾肥移舟發白下搖
旆出江畿川寒葭葦靜天清鴻鴈飛勿念離羣
速承明應復歸

秋夜雜興呈涂典籤穎

璿杓運西宇華月麗中楹坐知流序易瑤夜秋
風生銀漢呈宵景金堂含夕情柔條棲湛露嘉
蕙茁幽莖撫迹遂成感如何君遠征相思雲陽
浦岿峩限玉京鏡鸞停趙舞箏鳳歇秦聲寸心
渺何極搖蕩如懸旌

擬古

魯連天下士夙蘊匡世材却敵愧論賞英聲騰
九垓燕昭市駿骨樂毅趨風來虎戰躍中野名

成真壯哉僕本江海人西登鳳凰臺感此千古
意長吟屢興哀朝經夷門市夕醉高陽杯揮戈
拂倒影羲輪爲之迴寶匣絢青蓮龍文拭輕埃
神光夜揮霍按舞何媿猜騰驤爲君舉願掃浮
雲開

簡涂叔良朱仲雅二博士

貞士多苦節考槃依澗陲叢蘭珮芳潔悅懌遂
幽期至德無終逸明揚膺盛時茲焉華東閣俊
父相追隨列宿呈光彩翔飈清羽儀皇謨敷禹

訓風雅泛周詩幸俾織蒙器叨承陪絳帷何因
永斯好介爾崇明德

舟次靈洲候廊雄飛使回不至

湛露晨未晞秋華被原隰征途夙已戒承命履
遐邑桂水寒悠悠揚帆望不及川鱗想同泳羈
羽尚云戢維楫垂素期臨流重於邑睠然沮溺
耦詎酒楊朱泣惆悵芳菲情日暮空佇立

秋月篇

金商鳴素節瑤律屆先秋始見西陵月嬋娟滄

海頭清規臨夜浦澄影際天浮媚浦沈珠迥疑
波掣練收常懸鳩鵲署初照鳳凰丘碧落宵同
映銀潢曉共流梁園生綺夢陳榭感芳憂爽洽
征人袂光含思婦樓玉臺情未已鸞鑑影空流
詎惜盈虧屢仍知晦朔周關山隨別騎淇水送
行舟碩逐餘輝去蘭臺奉夕遊

與伯貞或華二友會

二妙聯英標睠言顧榛莽良晤諧夙心玄談慰
幽愴江蘼澹新綠谷鶯聞遠響感此離索情浩

唐介言選 日書眉之
蕩煙霞想夷白抗浮雲臨清延素賞何因繼芳
躡一丘同偃仰

題蒲澗讀書處

編茅臨巨壑伐木憇幽巖攜琴初涉澗投冊靜
窺潭麗澤方求益知人諧所耽靈芬遙可挹淵
物坐能探野鶴聞朝誦霜猿聆夜談董幃涼結
蕙管榻淨霏嵐予志在山水宜從雲外參

秋日懷友

雲館秋氣涼前楹新用歇涼飈振清籟炎景韶

餘烈時菊有芳華露棠飄絳葉慨此搖落情於
焉諺司業端憂鬢髮變和俗性靈竭貞履期可
堅玄言詎當接渺渺聯川梁日暮方舟涉

分韻得也字贈林生瑛克貢

永霜戒玄律游子發中野筵几惜離羣壘樽企
傾寫庭柯覆喧鳥場藿維征馬錫貢擬璆琳光
輝孰云舍文淵穆奧典璧水觀儒雅拔鱗爾所
之附驥吾哀也滔滔歲華晚積雪晨飛洒行矣
慎毋淹長懷問津者

○ 餞區伯寬領歸善邑教

橫塘候秋色芳葉颯已變渺渺波上舟忽如翔
風燕琴觴激幽思籩豆徒有踐所念同襟者飄
飆各鄉縣章逢協冲素况役斯文彥此邦多竒
勝名山蔚葱菁暄壑樓雲霞寒松閱霜霰爾行
問津處沮溺因可見

贈錡仁仲昆季還浙東

沈憂自多緒復此送歸人昨夜淮南雨不知芳
樹春榻來持別酒相與慰茲晨日暮行艫渺東

南瀛越津

遊泰山

今年初出承明班折腰從政青徐間神州二月
雨新霽我來萬里觀名山名出泰岱連雲上鄒
嶧徂徠巒相望晨霞彷彿見丹崖旭日瞳矐射
青嶂羽服逍遙山際行垂蘿磐石漸迴縈喬木
千章寒谷秀陰泉百道曉虹明玄都太古瑤階
在石室丹爐長不改中林萋萋躡天門五色芙
蓉耀光彩東極羣真鳴珮環招搖玉女開金關

蒼龍飛去溟海濶黃鶴下唳清風還奎壁祥光
生縹渺日觀扶桑擘昏曉登臨今日九州同顧
視寧論萬山小名嶽齊天天下知齋官虔潔闕
靈祇寶鼎椒蘭騰馥郁芝楹華蓋仰威牲祠官
祝釐朝擊鼓玉童吹笙雙鳳舞魯祊秦祀變浮
雲后土精靈夜相語功成世世來登封明堂駿
奔朝岱宗翠華行處入歸鳥樛木盡亞隨飛龍
微茫玉簡無人識綠壇陰洞秋聲急但聞松喬
遺素書我欲因之蛻几骨絕頂玄芝應再生神

游早顧拋塵纓笑騎蒼兕驂太乙稽首銀臺超
上清

河渾渾洪武辛亥夏河決作

河渾渾發崑崙渡沙磧經中原噴薄砥柱排龍
門環嵩絕華熊虎奔君不聞漢家博望初尋源
楊旌遠涉西塞垣窮探幽討事奇絕云是天津
銀潢之所接葱嶺三時積雪消流沙萬派從東
決東州沃壤徐豫之墟懷山襄陵赤子爲魚夕
沒鉅野朝涵孟諸茫茫下邑皆涂汙民不粒食

歷代詩選 日詩 卷之三
鄉無廬桑畦忽變葭菁澤麥壠盡化龜鼈居宮
中聖人方盱食羣公夙夜憂曠職星郎又乘博
望槎西去盟津求禹迹始聞古道行千艘一朝
勢轉纒容舸奔衝倏忽駭神惟淺不浮漚泥沒
篙我上梁山望曹濮長嘆滄桑變陵谷萬人舉
錘功莫施猶擬宣防再興築宣防漢武威曷若
堯無爲洪波閱九載端拱垂裳衣玄圭錫夏后
安得辭脍脍龍門一疏蓋亘古功巍巍巍巍功
可成河水渾復清

○奉和 聖製鍾山禱雨獲應

天蒼蒼運乾剛雨暘時若民乃康孰令熯旱憂
吾王九土如焚嗟亢陽天津欲竭陰虹藏王心
靡寧時惻傷桑林罪已德進湯齊宮對越騰馨
香真宰默應徵休祥靈祗率職歆禋禳先驅靈
籟舞商羊天瓢一舉敷四方甘霖信宿仍汪洋
勾龍后土占歲穰黍稷報功王道昌百辟慶忭
懽聲揚小臣頌述歌虞唐四序順成民弗殃巍
巍端拱垂衣裳天蒼蒼君德無疆

行路難爲洪都義士楊安賦

粵客慕遠遊東來訪仙洲扶桑弄赤日簸蕩神
鰲丘天吳變現橫蛟虬狂瀾欲濟無輕舟我心
西悲安可極九疑回望丹山色瓊竹荒祠暮雨
深湘靈淚盡湘江碧直欲排雲窺九關長風蕭
蕭去不還鼓刀擊筑行路難相逢楊子傾心肝
此公平生負奇氣對我高談論經濟宮中聖人
急徵賢君材磊落終難棄平生耻作侯門賓聲
華滿座驚陳遵黃金結交重然諾白首相知忘

故新予亦高陽舊徒侶憐君跼蹐隨風塵知君
愛君心獨親相逢正值秦淮春秦淮茫茫春水
綠春風撲缸春酒熟登樓一醉成悲歌起舞龍
泉情終曲君不聞神鷹來脫鞵上縑搏呼夢刷
秋空高焉能委翅隨斥鷃喧啾俛啄棲蓬蒿又
不聞留侯五世誇相韓徇節忘軀西八關功成
乃慕赤松去富貴浮榮非所干爾有萬古心時
來亦如此魯連欲奚爲欲蹈東海水行路難難
可量海水尚可濟身名須自強願爲黃鶴雲中

歷代詩選 卷二十三
翔凌風振翮超八荒

寓治穀城寄京華親友

金陵別時春已半
含桃吹花鶯語亂
羣公送客勞
勞亭王事驅馳不敢緩
折腰從政真可憐
貂裘欲救寒無氈
青徐古道暗荆棘
二月黃河水塞川
戰場蔓草縈白骨
城都蕭條狐兔窟
柳塞胡笳夕厭聞
花門突騎時還出
獵火荒涼夜合圍
聊城關外羽書飛
將軍轉戰畧邢魏
歷下游兵分道歸
瘡痍未復更顛蹶
忍看呻吟日流血

朝耕暮戰同死生
撫字無才政多拙
有時登高望遠山
浮雲萬里何當還
令人却憶魯連子
一箭成名東海間

費將軍凱還歌

費侯佐國文且武
禮樂從容在軍旅
漢家卿相誰得如
雲臺功臣祭征虜
王師轉戰下山東
大將平燕無限功
復有奇兵專節制
將軍同日度居庸
居庸城邊草初白
戎兵夜遁龍沙北
長風吹沙鐵山黑
賢王瑯弓控不得
組練如霜未倒

歷代詩選 明黃肅之
戈狼烽斥候通灤河將軍洗兵河上波馬前箋
吹金唳囉英雄如公信無敵據鞍歸來親草檄
歸來更唱平戎歌燕然山頭堪勒石忽憶去年
駐阿城僕忝徵官曾送迎馬頭北去掃燕土今
日傳聞朝玉京旌麾再入阿亭路橫槩賦詩肯
相顧官橋一道野棠開人道當時列營處東風
二月江南春露布先傳到紫宸丹書鐵券分茅
土願爾功成過古人

醉歌行爲鄜復初雄飛昆仲賦

昨日風雨中我來自西山不知春早暮花落長
林間林間幽人心事閑相逢一笑開雲關間我
別來春幾度五見飛花滿行路黃橙丹荔繞池
栽清水離離照芳樹登高酌我黃金壘傾情寫
意無嫌倩携觴復就花下飲鳥啄餘花鋪綠苔
我惜落花君莫掃乘興卽來坐芳草江山如此
多閱人與君相期恨不早君家伯仲多材雄白
晷更是人中龍東山還着謝公屐百世行藏安
得同爾曹曾辭鶴書召予亦蹉跎走荒嶠攀髮

歷代詩選 卷三十一
盈簪已自慚烏巾折角從人笑悠悠行路心惟
君可知音南冠發楚奏拂拭瑤華琴商聲淒淒
夜沈沈酒酣風悲月出林終然苦調不可聽爲
君更賦還山吟他年訪我桃花洞洞口花殘春
正深

王彥舉聽雨軒

輞川給事才且竒自我相親童冠時高談甚愛
風雨夕世上閒愁都不知幾回共酌東軒裏正
值蕭蕭滿人耳當窗滌筆寫黃庭涼聲散落鶯

池水竹外淋漓芳砌寒簷端飛酒落花殘先生
擲筆向予笑如此官商真可憐况復交游盡文
雅傾倒對之情不舍銀觥夜酌涼蒲扇琵琶嘈
嘈急如瀉先生醉坐銀燭低行雲入簾花氣迷
喑喑屋角聞朝鷄出門只見花成泥當時雄筆
誰更好孫公狂歌君絕倒橫眠三日醉復醒夢
見池塘生春草一別淒涼十二年關河風雨隔
幽軒懷鄉淚逐燈花落隱几晴忘春溜喧君入
蓬萊獻三賦我踐泥塗走中路歸來相見頭總

白坐上逢人半新故西窗舊話誰與傳思君昨
日空迴船綠簑青莢重來訪莫厭連床終夜眠
題招鶴軒

憶昔南游窺洞庭醉騎孤鶴橫蒼冥千年雲夢
掌中小一點君山湖上青翱翔更入瀟湘浦湘
靈彈瑟鶴爲舞清風雙翅若乘軒令我歸心厭
塵土翻然獨下崑崙臺鶴飛却望遼天回武昌
樓前招不得惟見白雲天際來朱君萃軒號招
鶴金莖可飲芝可啄臨臯羽客再相期爲爾長

鳴返廖廓

分題賦羅浮山贈何景先百戶

吾聞名山洞天神僊之窟宅高高去天不盈尺
上披浮雲橫斗牛下瞰滄溟奠鰲極雲闕五城
十二樓老僊燒丹居上頭鸞笙縹緲塵世隔羽
服逍遙蒼澗幽山中夜浮龍虎氣石室猶藏蕊
珠祕瑤草靈苗幾度春玉泉香蕊三千歲還丹
九轉報功成手把芙蓉朝太清蓬萊弱水方舟
度閬苑崑崙飛蓋迎我昔懷山恣長往桃華古

歷代詩選 日貴庸之
洞遺幽賞鐵橋千仞意都迷絕頂玄芝日應長
麒麟公子出僊臺絳節遙從天上來車馬光輝
到篷華相看一笑無嫌猜投我素書皆鳥迹浩
蕩煙霞寫胸臆終然歸旆九霄長但見冥鴻矯
雙翼中郎詞藻絕人寰已進宸卿最上班須公
爲寫觀梅興寄與江南驛使還

將進酒贈彭生秉德

華燈照廣席錦瑟彈朱絲一彈再三嘆進酒卿
吳辭丈夫成名垂不朽彭生早試穿楊手彩鳳

朝鳴崗上桐驪駒莫繫門前柳門前柳條冬尚
青城南桂漿翻玉銜舫船滿引百分勸出門不
顧蓬中螢君不聞洛陽賈生對宣室長安九衢
皆動色長安九衢橫九天爾如神駒當自力我
昔侍從金門中誓師牧野初成功功成治定四
海同條牧再見承平風爾行央科期第一狐裘
蒙茸髮如漆莫辭更盡金屈卮直上排雲振雙

翻

短歌行與藍山陳彥中

桂水秋風高扁舟過蘋末西來佳公子袖拂渥
州月公子芳年徂白裘抱琴來訪丹山丘雲邊
舉手咲相揖凌雲意氣橫清秋高談雅論傾四
座自言曾到燕山遊雪中射虎隨飛將原上呼
鷹從列侯酒酣馳向城南獵騰身飛鞚輕一瞥
赤手獲得千年狐路人縱觀誇勇捷卿家嚴君
誰得如湘南昔日專城居將門有將今復見見
此滄波明月珠明珠白壁相照耀知音更學絲
桐妙傳得吳儂子夜歌彈爲楚客陽春調爾有

吳越思言之使我迷罷琴惆悵孤月落衰猿老
樹臨雙溪他年同泛山陰雪聽爾琴中烏夜啼

扶溪春望

溪頭望春春色深美人不見勞予心綠波渺渺
向南浦罨畫樓臺芳樹陰天涯滿目丹青障春
日春花兩搖漾翡翠蘭苕不可思鴛鴦桂樹長
相望相望相思雲路遙金塘流水亂春潮採菱
風急桂舟晚疑是當年楊子橋橋邊楊柳青青
好惆悵春心被花惱浦口迴船欲訪君相思一

歷代詩選 目錄
夜薜蘿老

寄道士蕭止菴

昔寓朱明洞神游碧澗阿庭臨棲鶴樹衣拂掛
猿蘿鳳吹青雲曲龍琴白雪歌仍慙勾漏令塵
夢入槐柯

又

頗棄人間事來參內景篇借騎緱嶺鶴相訪大
羅仙稽首傳丹訣長歌入紫煙瑤花不着處同
掃石床眠

贈陳憲使還嘉興

衡臯理輕檝華筵餞達人潮生碧海曙雨歇紅
亭春適越遂辭祿還吳思問津超然不可企遙
睇東山雲

楊氏湛碧軒

桂浦含秋氣蘿軒澹夕陰鷺窺明鏡徹雲度彩
屏深宴坐消塵慮遐觀恣賞心羣賢思歷下吟
嘯屬芳音

送邵李二巡簡赴京

月介言選 日黃眉之 十一
驛樹殘朝雨汀湖急暝流旌麾從此別尊酒慰
離憂虎石經銜箭龍門疑共舟蟾溪他夜月思
爾玉京遊

贈白守中之湖廣

王孫芳草綠離思滿西州桂醕秦淮夕蘭橈江
漢秋名藩今所重形勝昔無儔元規賓從美吟
嘯在南樓

詩僧杞上人得旨歸鄱陽葬親二十二韻
白下春容減紅亭麗日升暫邀芸閣彥相送草

堂僧輦轂同文會旃檀異德稱詩名隨處滿華
幄自天承久被宸衷眷仍推講座登離宮頻召
對前席譽材能尚食供蒲饌禪宗問葛藤龍河
朝洗鉢鹿苑夜傳燈般若翻神貝袈裟出御繒
拍毫聯百詠揮塵竟三乘淨洒銀河水清涵玉
井永虛空常湛湛行任獨兢兢陟屺懷芝朧瞻
雲別蔣陵綸音旌孝德珍翰誅先冊寸草慈輝
映雙林瑞露凝逍遙無俗慮攀餞有佳朋祖帳
瓊花墮皇京寶樹層江流杯浩渺巖戶錫飛騰

綺散煙霞動珠含水月澄
虎溪從惠遠牛渚待
袁宏莫厭塵緣混終知雅
領興澹湖吟賞遍來
就鶴書徵

遊黃陂五十韻

吾郡山川秀黃陂亦有名
聞君談勝槩邀我共
遊行路指蒼崖近村臨碧
澗縈塵囂辭瀕洞丘
壑願經營繚繞芟塘曲潺湲
水確清深泥綠狹
徑積雨漲前阮披陟衣裳
濕扶藜杖屨輕陽雲
迷髮黷歆石履崢嶸俗訝
精靈異誰知唱和情

林僧來問訊野老亦逢迎
汪椀金芽茗克庖玉
笋羹敲推籬犬吠餽餉草
鷄烹少憇沾微醉前
趨若有程土門斜束隘坡
岸敞連坪石馬眠荒
壠昭陵失廢塋騰蛟雙踴
躍蹲豹互爭寧迢遞
峰齋起穹窿窟竇鳴嶺康
趨險峻潭鮪漾澄泓
灑灑泉分絮欣欣草並榮
奔流寒漱玉磐石迥
疑城避地傷前事窮途蹙
遠征蟻柯塵業誤魚
木禍羅嬰歲月重登覽煙
霞幾變更陳雷今合
契黃綺舊同聲招隱依松
桂尋芳拾社蘅逍遙

歷代詩選 卷之三
吟伐木談笑坐班荆鳳澗葳蕤合螺峰宛轉明
田家深處樂王政此時平雜沓歡樵採喧闐羨
偶耕豐年饒芋栗膏壤足稔杭鼓腹雍熙叟居
巢太古岷幽懷真可豁佳境實難并白鶴鳴相
狎青猿戲不驚靜中無俗念方外有賢英蕙結
靈均珮松號子晉笙仰窺懸瀑淨側度小橋橫
茅舍藤穿牖柴窗竹覆楹花簷蜂陣陣桐巷鳥
嚶嚶席帽看雲坐匏尊倚樹傾涼颺驅溽暑斜
照弄新晴枕石延詩思臨流破宿醒疎慵聊翰

墨沈涵愧銚罌着屐隨康樂田車泣步兵祗應
除世鞅端可脫塵纓趨走煩童御徜徉托弟兄
橘中期四友林下憶三生絕德瓢須棄忘形席
任爭玄言超混沌遐舉問蓬瀛瑤草行堪撥丹
砂煉欲成他年求道侶卽此締幽盟

贊相國李公善長

吾君神武定中朝丞相勲名冠百僚漢室興王
推鄧禹唐宗開國任房喬江淮草木知名舊吳
越山川闢地遙好向龍樓扶赤日便觀麟閣近

璇霄

呈張昶參政

絲綸閣下五雲飄政事堂中八座超班馬文章
傳舊學夔龍勲業慶新朝官花露重金莖賜衢
柳風清玉珮搖江海微生叨近侍也隨丹鳳舞
簫韶

呈汪朝宗參議

龍飛江表仗能臣虎變淮陽有俊人
幃幄春風勤夙夜藩垣南寄息風塵
聞鷄屢促鳴珂入倚

馬仍看草檄頻越客狂名叨薦啓無因東閣拜
平津

北捷應制

王師幾日定秦郵詔發奇兵出壽州橫海樓船
通楚甸羽林旌節渡淮流胡笳慘動關山月戎
帳威傳草木秋聞道鷹揚能奮迅思歸燕將莫
夷猶

送董文啓之江夏宰

委佩晨看拜玉除西游真食武昌魚王孫碧草

秋無際仙掌金莖露下初今日才名須卓茂當
年詞賦說相如登臨若對南樓月待爾賓鴻寄
尺書

贈王深之官永康

賞心亭下玉壺傾客裏難堪送客情沙際綠蕪
朝雨淨天涯江樹晚雲平扁舟剡水因乘興高
策河汾舊有名勿謂微官淹驥足金華涼月對
秋清

○正月初四日南郊禮成

午夜祥雲繞太微聖明開運六龍飛簫韶享帝
聲容麗玉帛來王曆數歸寶幄天光臨負宸金
輿春色映垂衣儒臣幸覩唐虞際三祝堯年仰
曙輝

謁黃石公廟

榆徑深深一草堂松階寂寂半斜陽青山遠近
分齊魯黃石英靈閣漢唐碑斷螭龍荆棘暗壇
空鸞鶴檜槐蒼鄉人更說傳書意故國風雲人
渺茫

舟泊龍灣寄孫仲衍

吳檣楚柂十年間
又度秦淮虎豹關
眼底故人成寂寞
夢中塵業負高閑
九州風雨東南會
七澤波濤日夜還
江上思君雲路杳
掀篷秋對蔣陵山

贈沈口于巡簡

東郡于公最有名
爲儒曾事魯諸生
鶴書三聘雲間下
龍劍雙飛海上行
明月畫船依桂浦
碧山紅樹繞花營
齋中舊客今誰在
青眼相逢萬

里情

喜故人孫仲衍歸

十年東去入皇都
詞賦爭誇楚大夫
踈散已辭金馬籍
徜徉徑覓步兵厨
花開上苑啼鸚鵡
草綠南園泣鷓鴣
惟愛碧山吟卷在
夜隨明月照蓬壺

贈戴雲

十年慣聽京華雪
忽憶聞鷄夢覺時
萬戶曉鐘金氣急
九重仙仗珮聲遲
湟州桂樹誰招隱
庾

嶺梅花有所思一曲陽春知寡和
郎官清勝浩然詩

○青宮哀詞

懿文皇太子也

前星光隕太微間雲闕龍歸不可攀
慘結玄雲迷海嶽淚揮寒雨遍
戎蠻清都鶴駕翔翔遠緱嶺
鸞笙縹緲還遙想皇情哀慟處
萬年松柏紫金山

次韻仲衍巫峽秋懷

白帝孤城蜀漢間錦江秋色隔巴山
霜清灩澦

璚瑤動雨散陽臺紫翠環
王事歸心俱未已世情岐路總相關
扁舟莫繫楓林下卧聽寒猿一夜還

從軍行贈費指揮

英雄海左費將軍淮海吳門舊策勲
又領貔貅三百萬誓清沙漠報明君

又

聞說沙場漸倒戈受降城北是灤河
胡姬窈窕隨征馬虜酒蒲萄載駱駝

秋夜雜興

金風瑟瑟吹明河鎖窗時見流螢過誰家玉笛
生離怨知是吳儂子夜歌

又

秦淮橋下江水清鳳凰臺前霜月明莫愁艇子
繫何處楊柳蕭蕭無限情

折楊柳枝詞戲贈朱文昭

綠陰馳道繞隋宮拂雨撩煙送晚風萬樹千條
都折盡不堪回首畫橋東

遊洪範地與劉文正

洞門斜日照金潭千尺藤蘿掛石龕騎馬獨來
高處望蒲山松栢似江南

小塘山居

壁月斜窗夜氣清禪棲無夢客燈明山中萬籟
俱岑寂惟有松風谷聲聲

王孫挾彈圖

樂遊原上競繁華騎出天南白鼻騮官錦不愁
清露濕五陵松栢絢朝霞

歷代詩選 明詩卷之二十三

又
馳道香莎剪翠茵
金鞭閑颺落花塵
溫泉樹晚歌鐘起
人識開元富貴春

寄復初景翔諸友

寒泉疎竹映清秋
魯記仙人太乙舟
今日逢君同感慨
不堪清淚洒西州

又

荔枝原頭春水深
多情得似玉郎心
琵琶撥盡涼州曲
石竹花殘風滿林

題野塘景

花落春塘急
暝流湖光山色未銷憂
雙雙白鳥忽飛去
撩辭文鴛不自由

明詩卷之二十三
藏書

石倉十二代詩選

明詩卷之二十三

歷代詩選 明詩卷之二十三



歷代詩選
明景胤

易菴先生傳

李德字仲脩番禺人博覽羣籍允邃于經學明
毛詩尚書洪武庚戌以明尚書薦至京師

上親策問賜徐大全等出身有差德預焉授洛
陽長史繼遷濟南西安二郡幕非其好也政暇
徧覽帝王遺墟嘗著論西安南陽皆天下大形
勝所在建不拔之基當擇而都之江東非其匹
也士林韙其識歷郡十餘年年薄暮矣自陳不
能吏乃就湖廣漢陽教諭當兵革初靜巽舍翳

歷代詩選 卷一
蓬藿中生徒僅十數輩皆野獷不可語德盡心
訓迪之言諸有司羅致民間子弟之俊穎者館
穀焉自是絃誦誦誦人知向學矣秩滿改任廣
西義寧縣其俗尤陋德立法凡遇家有吉凶事
當告假者隨貧富以楮幣周之孜孜勸諭使約
束鄉黨不得爲惡習俗日美科貢漸盛當道方
薦達之而德以倦游南歸卒于家德爲詩多効
長吉太白孫蕢笑之曰子真混元皇帝遠孫也
德乃力追古作有易菴集行于時序者以爲際

晉唐而躐宋元云少嘗自號采真子著論如子
書晚更潛心伊洛故世稱有理學者必曰李長
史子孚字底信亦能詩見廣州人物傳

易菴先生傳 終

石倉十二代詩選

明詩卷之二十四

易菴集

大明

番禺李德著

後學曹學佺閱

神釋

大哉渾淪妙橐籥自無窮網緼一已構昇付出
至公靈臺本無物而我處其中清虛爲我體昭
明爲我庸倏去入無間忽來歸寂空旣作百骸
長蔚爲萬世宗母從衆形優順適與天通

紫芝山房爲湖廣鄭大參賦



芝山何巉巉燁燁產靈秀美人慕園綺闢地敞
雲構圖書資悅懌枯壑含昏晝佳氣藹川原和
風散岩岫松蘿被廣蔭泉澗環清澈抱冲昔若
遺理劇今豈後鍾英良有自瑞世非常覲明良
共一時千載此其候

題陶淵明像

淵明節槩士遠慕羲皇風榮名奚足道甘分固
其窮得酒卽爲歡簞瓢常屢空朝出山澤遊暮
歸衡宇中豪華非所貴但願歲時豐秋菊或盈
圃栖栖誰與同濁醪共斟酌日入會田翁此士
不再得吾生焉所從

栖雲菴

石室凝紫煙空洞懸石乳陰崖含風泉終日灑
飛雨臨流結精舍六月不知暑道人養清虛適
與高僧處垢淨俱已忘孰爲舍與取諸刃旣遠
離白雲日相與何當謝時人來作塵外侶

孟夏五日感興

春陽舍我去四序無時停鬱鬱當軒柳珍禽時

歷代詩選 明季作傳 二
一鳴素琴寓我適濁酒陶我情顏髮雖云改寸
心有所憑偃仰東窗下聊以寄吾生

種麻

種麻蒲東園種花亦盈畝麻生但芄芄華發映
戶牖榮榮能幾時零落他人手豈如爲締絡與
君同永久向來灼灼姿于今復何有

歲月徂遷未有歸止寓迹江漢懷抱索然
時維杪秋淒其締絡偶有所述用簡同

志

杪秋氣方肅寒風動涼戶羈人未授衣適體窳
捐故雲開漢臯路日送征鴻度山容欲受寒園
芳已溥露故交久零落新知偶愜素時資益簪
盍聊以慰遲暮

同詩社諸公遊白雲寺分韻得千字

捫蘿扣禪關長嘯青雲巔山開西北日水豁東
南天涼葉散虛席暝林啼清猿浮雲觸石起頃
刻徧大千悟言造真適談空忘至言何當登絕
頂俯視蒼蒼煙

留題郎步山庄

出門望南山山翳林木稠飛鳥欣有託吾生念
歸休行行度前坂褰裳涉荒溝好風吹我懷禾
黍亦盈疇人生衣食爾過此欲何求日夕返窮
廬聊以忘吾憂

天上謠

玉樓瓊宇曉玲瓏雲輶電轂輾迴風自從羿射
九日落帝遺羲和御六龍六龍奔屬成今古海
水生塵變桑土瀛洲花發幾番春誤殺秦皇并

漢武桂宮珠露滴秋香仙仗徘徊朝紫皇鳳吹
紛紛九成奏羽衣金節韻琳瑯金河流水連雲
注織女牛郎在何處淋漓元氣浩茫茫白鶴千
羣駕煙霧女媧鍊石良可嗤此事荒唐奚足疑
直憐世上人心改至理渾淪那得移

雜詩

人生更代謝闔闢爲之機盛衰無常理生死乃
其宜始來本自無終往奚足悲擾擾依形立百
歲以爲期龜勉返吾初俟命復奚疑

送友回真定

君自邯鄲來復向邯鄲去邯鄲月色好夜照江
南樹太行多峻阪中有羊腸路往來不憚煩知
君爲親故

暇日遊城西玄妙觀

還辭束帶累偶涉尋真路松吹度鈎天篆煙生
細霧翩翩塵外侶杳杳雲中步儒道雖異途同
歸在清素

仙人

瀛洲飛彩雲萬樹桃花春翩翩騎鳳侶恐是避
秦人側窺渾淪妙幽探元化真徒令多欲者千
古恨迷津

贈虛明道人

渾沌本無象表裏同一照古今若須臾羣真資
衆妙五陰絕織翳幽陽播靈耀王喬并羨門吾
與爾同調

宿栖雲菴

衆壑忽已暝遠近響清湍山中對僧定疎雨掩

柴關柳暗猿狖集松交風露寒攬衣中夜起蘿
月在岩端

閒居

北窗林影寂南湖水氣涼園荷始泛綠叢蘭漸
吐芳撫節迹猶滯神閒機已忘無論喧與寂緬
心卽羲皇

憶南園

南園蝴蝶飛綠草迷行迹青鏡掃長蛾娟娟弄
春碧錦屏千里夢寂莫愁芳色小字寫長箋鱗

鴻坐相隔

亭亭水上蕖

亭亭水上蕖皎皎沿中藕花落子亦成色衰心
不朽中藏千萬渚處汗恒自守不學楊白花隨
風入窗牖

柳塘書舍圖

遠山出白雲近水明秋色煙波漫浩浩日暮歸
舟恁隱約叢薄間茆茨倚蒼石中有柳塘翁看
看似相識

歷代詩選 明李何傳 卷之六
觀白鷺

河洲雙白鷺皎皎照清流所希在鮮食所願亦
易酬朝飛浦湫曠暮宿林塘幽寄言採薇客吾
與爾同遊

立秋日登漢陽朝宗樓懷鄉中諸友

湖山興不淺而我亦淹留得罪緣微祿懷若屬
早秋淡雲鄉樹遠孤月旅情幽借問衡陽雁何
時到廣州

濟南寄孫仲衍

南園虛夜月風景罷登臨鞏洛成塵迹青齊入
苦吟升沈凋壯節匡濟負初心薄宦容身得寧
辭雪滿簪

金陵逢趙汪中

十年長契濶萬里各分飛岐路風煙杳江湖消
息稀加餐俱努力訪舊各沾衣春草無勞綠玉
孫自不歸

峽山寺

峽雲藏絕壁峽水積寒流寶樹籠香閣天花散

彩樓梵音晴隱隱鐘韻晚悠悠聞道金仙宅飛
來最上頭

寄孫典籍仲衍

南園草色參差綠忽憶佳人美如玉玉堂揮翰
事已陳草屋懸燈照幽獨江湖狂客未言歸翹
首東南淚濕衣何時淨拂青溪石與爾橫竿釣
落暉

河陽月簡顏光宏

胡角啾啾悲石裂顏郎夜醉河陽月越姬颯沓

舞秋風蘆筍含商玉情熱請看天上青雲道桂
花落盡霜娥老離鸞怨鳳玉樓寒三尺青絲變
秋草

燕歌行

秀頸紅唇臉花碧秋波湛湛傾人色高樓霧暖
四時春蝴蝶飛來歸不得裾迴縠轉春風催刻
商按徵雲徘徊鳴鐘敲鼓玉丘顏詎識樂極生
悲哀

青樓曲

青樓春酣鸚鵡杯孔雀屏風錦繡開銀鸞玉鳳
嬌未歇楊柳斜飛舞迴雪越娘含醉弄絲桐十
纖宛恨哀絃中調成白雪惱芳容長卿茂陵髡
如蓬

房中思

金井烏啼風撼撼桂樹團團江月白洞房秋思
滿嬌娥淚滴珊瑚眠不得玉臺塵鑑少光輝仿
彿孤鸞彩翼垂蓮枯蕙折無人惜露濕綺疏生
網絲

春興六首

萬里春風二月花十年塵土一烏紗惟將素節
酬知己豈有黃金買歲華愁邊熟食無煙火江
上堅城有鼓笳憶我舊遊如昨日繡簾青舫越
天涯

終南山色翠含煙太白峰高五尺天春暖鶯花
連萬室月明笙鶴會羣仙黃塵白髮三千里流
水浮雲十二年齊楚飄零成潦倒令人猶自憶
秦川

洛陽城裏雪初消
流水天津尚有橋
漢寢隋陵春寂寞
龍門伊闕晚岩堯
相如完璧無遺恨
王子吹笙擬見招
爲報山人休索價
可能容我伴漁樵

日射天門萬象新
繡衣朱履侍楓宸
雲移仙仗千官肅
日映龍顏四海春
金椀玉漿來內侍
紫泥丹詔下王人
十年趨走金陵道
到老低垂漢水濱

漢水東流日向西
孤村煙樹鷓鴣啼
纖纖岸草迎人眼
踏踏江花映馬蹄
有客問奇仍載酒
無人相過輒留題
暮年正爾逢知己
布襪青鞋信杖藜

江漢飄零今六載
故園迢遞尚三千
新春隱几看雲坐
遙夜懸燈聽雨眠
彭澤官貧差有酒
杜陵身老未歸田
桃花流水深千尺
擬向溪頭理釣船

社後謾興

社燕西飛節物過
年華世事兩蹉跎
晴天白鳥

來無數落日浮雲看漸多黃菊何人歸短棹紅
蕖秋水澹澄波寂寥多恨憑誰遣搖落無心奈
爾何

寄妻弟鄭子玉

年年留滯漢江頭華髮蕭蕭不奈秋夢斷鄉關
猶是客望窮煙水更登樓西風鴻雁來芳信南
紀親朋憶舊遊聞道菊松無恙在可能歸去覓
菟裘

王彥舉南雄省親

裨工剪水寒凝指南浦頽雲吹不起玉郎氣酣
走馬去三尺龍泉拂流水玉壺愁破酒如兵鴛
管嗚嗚咽不鳴幽紅啼露香凝幕蜀錦縫衣寄
君着象牀醉卧紫氍毹鳳簡封題草字書北樹
南雲一千里願携徑尺託雙魚

秋情

蠟炬搖紅紗隙凍沈香帳底鴛鴦夢芙蓉波冷
薄霜凝一夜離鸞憶單鳳梧桐金井啼曙鴉夢
郎封侯歸妾家開門自掃枇杷花

十二月樂章

正月

東方日出香茸茸
長條短條花眼紅
柔雲弱雨暗填空
茫茫蝴蝶破春風
鸞帕抹煙山夢濃
蕭颯愁思開暝容
江頭溘溘水聲動
微和着柳黃金重

二月

燕梁玄玉濕蜂蜜
花房曉銅龍
嚙水微翡翠含波
小石間苔蝕菖蒲
根古魂啾啾啼曉昏
紅芳

碧蘂亂殷殷
蠻女剪煙插翠雲
游絲縈春懸綺渚
閒沙白鴛鴦喜

三月

花歛容柳刷翠
扇薄欲裁
絛佩香思剪蕙桐
英寂寂沈寒波
紛綠倚倚日影多
六街煙花淨如掃
千年古血生青草

四月

碧雲屯午風熏熏
五絲曲奏玄霜紋
湘臯野龍拔新玉
摧鱗犍角蕭蕭綠
蕙香小妓扇輕羅
半

掩櫻唇試新穀金丸落落絃紅脂石池青鈿溢
碧漪

五月

沙上短蒲綠赤菱紫茨離披熟越奴青髮艾懸
香踏踏采蓮塘上曲游龍撇波海水飛黃頭伐
鼓吹參差少年搖曳澹忘歸

六月

皇天高厚地裂白日河庭泣魚鼈湘神抱瑟愁
波濤頽陽畢化穉陰結焉知海上黃金闕萬丈

丹梯到寥泬喬松相携弄白雪

七月

桐風刮帳無春溫赤精解綬佩金神銀浦橋成
鵲濟津遙遙帝子度長雲野芳萋萋日杲杲十
萬娥眉鏡中老錦樓折竹夜迎仙越秀吳都巧
不眠

八月

玉露溥清虛銀雲擁明月空濛白夜涼遠近商
聲發桂子落秋香寒娥能孤潔誰家理素琴調

急絃應絕

九月

清飈激素商遠客生歸夢茱萸委匣香玉腕勝
金重幽芳垂晚逕汲綆霜華凍洞庭木葉空臨
水悲相送

十月

沈寒凝海霜斑斑蘆鴻叫叫蒼梧間仙鷄警曉
蟠桃乾天鼓無聲澤龍閒

十一月

軒轅玉管還初氣絲線紆迴報長至瑤花散
滿寥天萬戶千門夜明媚南山幽翠淨如削內
屋紅爐春自若璿璣迴斡見天心姬氏騎龍班
歲朔

十二月

北斗璇光射幽土四氣緣環若朝暮壑底驚蛇
挽不留官街力獸馱寒去

閏月

羸皇當極黃楊死一寸霜皮生不起嶧陽老榦

青銅根玉葉排秋十三子鬱華羿妣緩兩轡遲
回二萬八千二春秋九十短長勻青紅白黑上
下均千秋萬歲奉明君

出城

越王宮春風起何處散芳塵垂楊沙逕裏舞羅
衣揮鳳尾鳴鸞簫發貝齒懷洞庭悲帝子海波
竭彭鏗死義和影如流水

梅花曲

軒后登天時騎龍乘紫雲三千宮貌附龍鱗
璫月佩荷絲裊夜入羅浮醉仙子酒樓明月神
貝水夢闌霜冷蛾眉死

送友人

關雲擲擲吹沙黃瑤華拂劍春風香鶯黃淺泛
玻璃光越妓舞衫金縷長江津白白黃灣月神
魚撇波龜甲裂湘娥疑綠染春衣踏踏青雲郎
馬歸

對鸚鵡洲

芳洲采杜蘅日夕春水生不特嗟鸚鵡深令憶

備衡因悲才勝者祇使寸心驚

塘上行

露濕藕花香花折藕絲長豈無鳧與雁不似錦
鴛鴦

題扇

涼風吹動影蛾池百頃秋波漾素輝十二玉欄
閒倚徧桂花清露濕人衣

石倉十二代詩選

明詩卷之二十四

蠲竅集序略

楚有舊學曰雲間管公時敏輔翼匡贊披陳啓沃凡二十五年而賢王仁厚明啓寅畏恭儉之德聞于天下公自紀善左長史余得備員陪位得日聆其緒言餘論間出示所自作詩一編古製近體通若干首名曰蠲竅志謙也然公之立身行事實踐其言和順積中英華發外自有不容已者其可傳于後世必矣豈自謙乎哉永樂元年癸未三月之望山陰胡粹中序

石倉十二代詩選

明詩卷之二十五

蚓竅集

大明

雲間管 訥著
後學曹學佺閱

素堂

湘水之涘衡山之陽有美一人於焉構堂維棖
維桷匪雕匪斲不尚其華煖澳其朴堂之翼翼
人之諄諄匪謀自適爰以養親于時典止于時
甘旨朝夕弗違惟親之喜委順在天窮達是宐
居易而行心毋外馳奢則蠱情儉以養德用或

後昆服之無斃

白馬篇

白馬行且嘶玉勒錦障泥揚鞭羽林郎宿衛通
金闈一朝赴邊急轉戰玉關西長戈揮白日高
旌卷彩霓驅山填火井累石起雲梯烽舉星芒
亂弓開月影低分符降赤勒飛箭定吽黎功許
韓彭竝名與衛霍齊王恩諒可報國難詎難擠
孰甘局鄉邑門巷閉蒿藜

遠遊篇

御風日萬里逍遙登遠遊竦身青冥表瞬息四
顧周目力隘八極壯志局九州泰山小封垤滄
海渺浮漚俯視瀕洞間萬彙等蜉蝣浩歌挾洪
呷長嘯訪浮丘迴颯欵閭闔謁帝十二樓酌我
紫霞觴遺我青鳳裘授以長生訣歷劫三千秋
從茲謝流俗大塊同悠悠

少小從行伍二首

少小從行伍而今作飲徒博錢尋劇孟買劍問
風胡結伴軍中戲嗔人醉後扶黃金三萬鎰誓

娶陸家姑

少小從行伍千金辦武裝日騎官廐馬夜宿酒
家娼知己寧論死臨危肯畏強蠻夷知姓字不
敢犯封疆

銅爵妓

銅爵高臺上西陵古墓邊君恩徒自重妾貌竟
誰憐羞掩歌時扇愁登舞後筵惟餘漳浦月三
五夜空圓

二隱圖

溪上放舟廻山中負薪暇一笑偶相逢於焉遂
清話寧知有秦晉況復論王霸回首總忘機青
山夕陽下

星夕

牛渚清且淺鵲橋西復東黃姑仙駕動天女錦
機空別淚零清露離魂慘驚風如何一水隔一
會一匆匆

秋夜

不寐耿長夜攬衣徒歔歔陰蟲吟近砌涼颯動

疎幃素抱殊未釋清懽念多違豈惟南飛鵲茲
夕無所依

寫懷

朝廻憇公館殘陽坐來暝疎雨過高林華月出
東嶺流光晨復晡朱顏豈吾永故國歸何時悠
然發深省

病後喜雨謝同寅紀善具季翔見過

夜月忽離畢今晨雨滂沱秋聲落庭樹水氣沒
池荷豈云三伏中感此涼意多神清體自適頓
然釋煩疴明當謁公館仰謝數經過

曉起

真館曉晴初官清遠塵俗怡然對簡編庶矣忘
榮辱遙峰擁歸雲高城澹微旭落盡凍青花江
南雨新足

遊寶林寺

金碧絢樓臺禪關向此開水分雙澗出雲擁萬
峰來古佛遺香火殘僧話劫灰黃塵吾老矣何
幸一徘徊

獨坐

獨坐茅堂上長吟不下牀
亂書堆几席疎雨過
陂塘野燕衝簾入河花度水香
應須存晚計次第學耕桑

答友人雨中見寄

雨聲連曉夕牢落閉幽扉
屋漏頻移榻江寒更
覓衣野鳥飢自下水鳥濕還飛
爾亦遺榮者終同埋釣機

郊居

春城俯平野草色靜柴門
魚蟹舟中市桑麻屋
後村遺兒搯社飲爲客置盤
殮老計能如此陶然佛一尊

贈洪山龍門海禪師侍者真淨

祝髮名真淨從今淨已真
誦經當作佛持律定
過人江月空中夜山花物外春
龍門多寶藏種種是奇珍

送宗師還玉泉寺

省師何處去古寺玉泉清
山笠披雲過江船趁

歷代詩選 明倫彙編 五
月行拈香叅祖塔乞食到王城此去傳心印應
知道可成

夢遊洪山寺

不到東巖閣重來又一季無緣能離俗有夢只
棲禪客坐茶香裏僧行竹影邊夕陽天未晚幽
思滿歸轡

齋居直館

直館齋居夜心無一慮縈茶煙籠燭暗花月進
窗明老去頭雖白官閒夢亦清明朝當署祝早

起候宮城

雪谷爲武昌奚瑄賦

空谷幽人意閒雲靜者心石圍花下奕泉答竹
閒琴鶴影蒼巖遠雞聲碧樹深雖云住城市何
異在山林

題蔡用強石城山房

絕境羣峰合幽居一徑分巖花和雨落林鳥隔
雲聞門熟呼猿果書香辟蠹芸不因徵召起終
是遠人羣

歷代詩選 卷之九
過烏沙夾答諸僚友

曉過烏沙夾秋風萬斛舟青天雲際雁白浪水
中鷗兄弟皆良會江山足勝遊行行紅日近作
氣藹皇州

出都門

天上還家日沙邊解纜時亂山含宿翠飛鳥戲
晴絲野眺偏宜遠江行不厭遲正期遊汗漫何
幸值雍熙

發新河次韻

自忝王門祿頻年此地過秋風迴遠道暮雨宿
新河白浪鷗邊小青山雁外多客杯相慰藉二
酌總恩波

迴從經陽邏

陽邏行將近淘金過淺灘草痕秋更碧江氣晚
逾寒處世情尤拙還家跡易安客愁雖似海未
敵酒杯寬

舟中寫示蕭雷二伴讀

拜秩辭京國揚帆放使舟微茫燿外樹浩蕩雨

中鷗詩美青山對杯空采石謀應將柁樓興一
望楚天秋

曉發雷港

月暗投寒港天明發曉途鷺應尋宿侶雁已誤
更奴霞暎浚汀蓼霜枯倚岬蘆彭郎磯尚遠隱
隱一山孤

題伴讀董時貢所藏山水

公館多清暇林泉隱所探人家如谷口風景似
江南斷逕荒深蘚崩崖老巨楠鯨波通海去鳥

道與雲叅江艇維晨渚巖扉掩暮嵐雨田收赤
黍霜圃摘黃柑未染清霜屋先尋白石庵醉來
休荷鍾老去願投簪許我閒身在從渠俗慮耽
偶然忘世累聊復謝林慚

和吳教授過潯陽

三旬辭幕府千里歷星霜水鶴和鳴鷺風鳥逐
去檣還家趨鄂渚歸路過潯陽山立雙峰峭江
分九派長雲泉高噴薄煙樹遠微茫箬葉寒仍
綠蓀花晚自芳守臣甘徇國遷客重離鄉簡牘

遺風節琵琶斷淚行濕嵐郵傳外冷月戍樓傍
老境頻過此懷賢易感傷

九日廿五日值余初度諸友以詩酒見壽
於舟中賦五言長律一首以謝云

老去逢初度那知在客邊清歡當此日嘉會勝
常季古鼎名香爇高臺絳燭然仙庖能具饌官
觴盛張筵新果登盤美佳殽八筯鮮慶行承綵
帕壽祝荷華篇北斗長生外南山爛醉前交情
何鄭重禮貌極周旋一府官僚盛千秋國主賢

願同金石志永以保貞堅

永嘉裴季和家有竹居典簿中都國學種
竹數竿想像故國之意

客舍仍藏竹殷勤憶故園亂枝交窄徑輕篠拂
卑垣曙色煙凝几秋聲月在門殺青編汗簡浮
碧注山尊斲筍供春祀行庖具夕飧高人頻駐
屐俗士竟迴轅雖與山林遠終無市井喧晉賢
名未泯唐逸典猶存彷彿龜山路依稀雁蕩村
南歸遂幽息投老更何論

墨窗爲越人趙樞謙賦

女媧立極斷鼇足羲畫之先無刻木始觀鳥跡
製文字夜鬼哭天天雨粟篆隸變化生八分行
草復作何紛紛六書古制旣茫昧載籍况遭秦
火焚後之作者不可數形聲寥寥渺千古更論
得法神妙間自信臨池心獨苦君居於越文獻
邦家藏金石書滿窗磨穿青州老未已萬斛巨
鼎疇能扛吳興宗人已物故淝河東西誰獨步
君今有志繼絕學砥柱中流見孤注刻溪百番

水雪光玄霞一斗松煤香滿堂賓客看揮灑風
雨颯颯龍鸞翔我嗟塗鴉手如棘屢欲從君問
奇畫君還許我載酒來我捧千鍾勞君筆

尹母行

雲間尹母季十七嫁夫三季夫病卒舅姑在堂
兒在祿自分糶筆守空室家貧何以爲生理紉
縫得錢奉甘旨門外春風自往來寒心一寸如
灰死

題胡長史雪舟卷

雁行詩選 明倫彙編
萬里漫漫凍雲黑六花飄飄朔風急富春江頭
行旅稀汀鳥沙禽飢不飛此時先生乘一舸擁
鼻長吟篷底坐白鶴氅衣寒半披東西泐洞隨
所之須臾雪深風轉大結纜歸來且高臥妻兒
凍餓甘守貧升斗不思干故人東方日出徵書
下縣官扣門來勸駕

哀雁吟

隣有貞婦痛夫以刑死日夜號泣誓不再
天余嘉其志爲賦哀雁吟

哀雁復哀雁雄雌不相違三春北去秋南歸
黍季稻梁克汝肥汝肥曷已時安知繒繳不汝隨
一朝弋雄孤其雌雌孤殊可傷夜夜啼秋霜楚
天空濶雲水長誓不更逐羣侶翔花開滿春塘
不愧鴛與鴦

姚氏野春堂

野外茅堂不掩扉堂前風日散晴霏梨花門巷
清明近春水池塘燕子飛每約鄰翁同社飲更
從田畯勸農歸明朝我亦尋春去小試東風白

亭衣

宴徐氏樓

高宴徐家池上樓座中賓客總風流
東城美酒休辭醉南國佳人自解愁
晴日遊絲當戶落暖風香篆近簾浮
歸時不用山公馬短棹春波正滿洲

和內兄金士簾清明日答張應辰見過

雨晴江路少塵沙有客尋春到水涯
風細游絲低著草日斜歸鳥亂穿花
青山幾處無新塚

木何人是故家倩得盤遊春髻子
東風日日好將車

山水便面

宣和便面何從得畫史當時屬有才
紫翠峰巒天上落青紅樓閣樹頭開
羣賢似向蘭亭會一老疑從栗里來
安得從容隨杖屨輕舟日繫水雲隈

寄淞上友人

憶昔都門把臂時殷勤索我送行詩
客邊賴爾

歷代詩選 明倫彙編 卷之三
能相慰別後令人有所思芳草暮雲愁忽忽落花春雨鬢絲絲東歸艇子如堪買定擬尋君泗水濶

送兄勉翁自鳳陽廻淞

把酒燈前醉復傾別離無限異鄉情一身千里
久爲客百歲幾時長見兄春雨園廬青草遍暮
雲丘隴紫芝生白頭遂我東轅日數畝圭田得
耦耕

過洞庭

湖上東風水似天渚花紅白共春妍蒼梧二女
墳前路青草三閭廟下船鮫室綃機聲札札龍
宮珠珮影娟娟官閒更遂南遊興借榻君山寺
裏眠

題玉秉正雲林清隱

青林白谷水雲鄉隱者深居一草堂百道松泉
當戶落四時花雨入簾香門前車馬紅塵遠座
上琴書白日長滿日故家風景在不須重畫輞
川莊

送長史司吏吳永中役滿還廣東

早春公館柳條黃清暇題詩送椽郎白髮簿書
官事了青山風雨客程忙船從杜若芳洲發酒
向桄榔小店嘗歸及墓田寒食後碧雲東望思
茫茫

送寶曇應禪師遊峩峩金廬

峨嶠峰頂絕峻嶒不離塵凡不易登太古雪消
丹壑裏普光天在白雲層神鐘日報齋頭飯聖
火宵明佛殿燈六載下山非苦行怕人云是再

來僧

和鶴季丁先生宿東巖韻兼呈洪山海禪

師

借榻東巖第幾層山中王舍佛圖澄淨樂過眼
寧非夢清苦前身本是僧齋罷雲扃時聽講詩
成雪屋夜懸燈虎溪有約仍三笑自愧爲官老
未能

題修江王玠西山舊隱圖

君家舊隱知何處遙隔修江紫翠岑金碧畫圖

聊慰藉煙霞丘壑此登臨水花凝露魚依渚山
葉鳴風犬吠林布襪青鞋歸及早莫教猿鶴怨
秋深

雙竹

玉立亭亭竝出林不於千畝競繁陰雲霄每引
鳳凰下風雨或作蛟龍吟夷齊同隱高節在皇
英對泣遺恨深何當分箇漁竿去獨釣渭川煙
水潯

紙被

萬杵霜藤練色勻卷舒盈幅淨無塵梨花夜
雲迷夢柳絮春寒雪滿身未忤青綾能見妬也
勝白氎尚欺貧五更聽徹金門漏得似山林晏
起人

木芙蓉

渚宮仙子耐清寒笑倚西風臉渥丹絳節三朝
瓊作珮霓裳一曲翠爲盤夜霜漁屋燈前見秋
水人家畫裏看可惜繁華易惆悵錦官城上夕
陽殘

月中桂

上界誰將此樹栽，廣寒高處古香來。
根從天地分時種，花在山河影裏開。
白兔守株依貝闕，青鸞銜子下瑤臺。
不知斫盡吳剛斧，天上浮雲變幾迴。

○燈花

不假天工雨露栽，銀缸火暖自然開。
兩莖朱草含煙秀，一朵紅雲度水來。
春色半浮珠蓓蕾，風情中結錦胚胎。
明朝喜事殷敷報，莫遣芳心一

寸灰

松窗聽雨爲西安楊公主賦

草堂千箇種長松，好雨時來紫閣峰。
聲到風枝驚睡鶴，勢迴雲壑起潛龍。
暮樵鄰父歸應濕，晨汲家僮出更慵。
且喜官閒清雨耳，逢人莫說大夫封。

黃鶴樓

黃鶴西飛去不迴，青山高棟自崔嵬。
當年賣酒人何在，今日題詩客又來。
舟繫城邊官柳發，笛

吹江上野梅開白雲只在闌干外安得乘之過
九埃

北榭

舊家行樂小亭臺珠箔青山罨畫開花月當時
人已散柳風今日燕還來舞鈿猶委宮墻草步
障曾過輦路苔一代繁華易銷歇白榆霜冷雁
聲哀

呂仙亭

道人高坐朗吟亭古蹟因知此地靈劒氣飛來

湘水白笛聲吹入楚山青階前丹棗何季熟枕
上黃梁幾日醒快我登臨塵事隔摩挲蒼蘚讀
碑銘

辛未初度和季翔見壽

日華初上萬季枝官滿雄藩未許辭初度今朝
猶是客老來多累又添兒黃花醉我留連酒白
雪驚人唱和詩球重同袍交契在十季何日共
襟期

陸氏滄浪漁隱

子是天隨幾葉孫家藏釣具至今存秋風鱸美
時供饌春水鷗閒日到門泛宅豈殊居甫里放
舟莫擬入桃源濯纓濯足都休論且對青山倒
一尊

送監生馬駿赴京

黃鶴磯頭上驛船柁樓撾鼓下晴川客行二月
梨花後人別東風燕子前

伴讀周庠求題其師敘南遊克成先生雙

溪草堂

聞道雙溪似灤西草堂小築足幽棲楊雄奇字
知誰問杜甫新詩漫自題蒲座荷風魚躍浪一
簾花雨燕爭汎白頭無意蒲輪召只恐文光動
璧奎

修竹芙蓉

水仙小隊自成雙裊裊霓旌引翠幢一夜湘君
頭盡白西風離思滿秋江

題玄真詩意圖

千峰雲氣涌如泉遠樹微茫斷復連祇有大夫

橋下路青山都屬釣魚船

墨桃花

武陵仙子絳綃裳愛向春風試艷妝
一自別來顏色改可堪憔悴見劉郎

贈別

草色青青漢水新異鄉聽雨怕逢春
客懷不是今季惡頻向東風送故人

書松雪翁墨蹟後

吳興翰墨人間少白璧黃金價盡低
今日

亭下路王孫何處草萋萋

詠菊

越娘初試素羅裳愛向秋風學靚妝
一夜不勝瓊珮冷晚香亭館有新霜

紀夢

小宴初闌罷玉笙東風庭院好春情
流鶯啼過樓東去一樹梨花正晚晴

京口懷季翔

官柳烏啼曙色催滿衣風露早朝廻
歸期想在

重陽後爲報黃花緩緩開

和鶴季先生訪補衲和尚詩

半霄峰頂擁丹霞兩策登板豈憚賒老衲倒穿
迎戶外山禽啼上石楠花

雲林先生小景爲李至剛叅議題

故叅池館錫山阿門逕寧容俗士過清閼閣空
詩社散蛛絲窗戶落花多

題奚瑄雲山佳處

羣峰競秀遶儂家流水當門石逕斜閉戶不知

春已去白雲滿地落松花

題畫

柴門春盡動鷗波樹色山光雨後多老去無
能自在醉眠江閣聽漁歌

石倉十二代詩選

明詩卷之二十五 終

春雨軒詩集序

予昔與劉君彥昂遊見其賦詩多俊逸心獨竒
之及其奉命佐戎幙於閩別去且十年重會秦
淮上亟問近什如何彥昂解橐中得數十篇予
讀已大驚璞玉輝春鱗珠浴月溫潤清逸何其
似韋應物歟勝軍百萬鼓行沙漠風酸霜苦鍊
騎驚秋雄渾悲壯何其類岑嘉州歟英英乎芙
蓉濯太液之波楚楚乎蘭芷沐湘沅之雨氣韻
秀麗何其近謝康樂歟商敦周彝朱湮翠蝕龍

章鳥蹟欵識獨存典刑古雅若樂府諸題又何其駸駸乎漢魏之風也蓋彥昂天分旣高人功又深凡有模擬輒步驟似之予今猶舉其槩而言之也烏乎予昔學詩長蘅公謂必歷諳諸體究其制作聲音之真然後自成一家彥昂之學正與予同自愧跛躄之行不足以追逸驥尚何言哉然又竊惟彥昂何以能致於斯也頗聞其先人友梧翁乃月灣吳公高弟善爲詩與文靖虞公文安揭公禮部吳公極相友善遂由縣文學薦入詞林未上而夭其家庭相傳必有卓絕於人者不然彥昂之詩何爲膾炙人口而不厭哉其能垂世傳後當不疑予老矣文采衰矣不能有所發越矣姑撫昔寄彥昂者爲之序以自附知音之士云金華宋濂序

石倉十二代詩選

明詩卷之二十六

春雨軒集

大明

鄱陽劉炳梁

後學曹學倫

崩城操

朝從城上哭長城與雲齊暮從城下哭長城化
為泥嗚呼城已崩兮猶可築夫君死兮身可續
妾寧化魚溜水底立廟祀君君血食

石婦操

朝朝山頭望日日顧夫歸夫君不歸將疇依妾

國家圖書館, NATIONAL CENTRAL LIBRARY, TAIWAN, R.O.C.



身已一難再失寧向山頭化爲石山崩石應墮
江水千季萬季清到底

邯鄲行

白日下藁臺野曠秋風早不聞歌吹聲空遺往
來道傷心却憶平原君墓上牛羊踏荒草

寒夜怨

月來愁亦來心憐月去愁應改樓高月轉遲停
箏坐倚熏籠待月落却成眠誰知枕冷愁仍在

烏栖

烏夜啼梧桐樹愁夢回腸應苦蘭膏張照樹光
啼烏去夜未央梧桐葉底清露墜一聲一滴相
思淚

燕子樓同周伯寧賦

寶瑟凝歌繞珠箔流蘇結帶黃金索翠紅香裏
宿鴛鴦春風人間無此樂杏梁塵暗麝蘭篝黛
鎖眉峰掩畫樓燈殘枕冷梨雲斷秋雨人間無
此愁

桃葉青

桃葉青青杏花吐樓頭吹笙教鸚鵡紅牙象版
按梁州金縷衣裳美人舞離情不似月常圓桃
葉青青似去季美人不來鸚鵡怨杏花零落畫
樓前

雙桐生空井

井上雙梧桐秋風易搖落綠葉墮鳴璫清陰捲
重幄紋甃生旅葵銀瓶響空索疏枝覆烏臺交
柯臨鳳閣美人矜容儀照影傷今昨鉛華逐波
逝歡賞隨季薄行客攀轆轤哀聲隔簾箔

明妃曲

胭脂馬雕鷹旗狐裘蒙茸金絡羈白玉作鞭雙
袖垂手抱琵琶紅淚滋黛雲點鬢顏如玉春嬌
學得娥眉綠自擬將身寵漢宮誰憐薄命歸胡
俗窮陰絕漠易悲辛落日哀笳處處聞嚴霜夜
鏢關頭月朔氣寒飛磧裏雲鴻雁蔽天斜作字
駱駝連塞動成羣漢家君臣亦良苦却將紅粉
和戎虜廟堂內食列重裯汗簡如何照今古妾
身分得君王憂萬死胡塵心亦休腸斷季季胡

地夢心懸日日漢宮愁百本一身何足道妾容
不似花容好漢家三十六宮春傾國傾城更有
人君王故殺毛延壽特遣單于貴妾身

鬼妾行

閨中女兒白於雪縣官娶作專房妾黃金翠羽
繡羅襦枕邊誓死心不渝豈憶榮華草頭露好
似青藤倚枯樹一朝樹倒藤無依垂垂哀哭牽
腸肚依稀無復半季春新官到任遣媒人鴛鴦
錦帳重還整鸞鳳金釵依舊新洞房更結叮嚀

語却說新情多勝故自念飛花逐水流爲憐嬌
蝶無鶯妬傷心認着王衣裳窗前臨鏡照新妝
青銅欲待銷磨盡幾度春風幾斷腸

蘇小小歌同端孝思賦

棠梨花開春日遲綠窗銀屏鸚鵡啼玉驄慣識
尋芳路手綰同心約郎去

行路難

奉君五綵鳳凰之綺幄七寶鴛鴦之錦牀博山
氤氳之冰屑金盤沆瀣之瓊漿春風無情不相

待朱顏綠髮季季改姑蘇臺上鼓如雷四時歌
舞百花開當季意氣今安在鬼火如燈秋似海

董嬌嬈爲周郁賦

妾家住邯鄲少小矜容顏七歲畫娥眉十歲垂
髻髮十三刺繡人前坐十五秦箏架上彈紅粉
樓高臨大路自恃芳季立門戶鸚鵡春眠芍藥
闌驕驄晚繫垂楊樹梅點香奩玉作鈿蓮移羅
襪金爲步朝歌暮飲綺羅叢東園桃李鬪春風
黛凝柳淺朝勻翠朱訝櫻濃曉洗紅燭圍錦帳

常曙香藹雕籠久未空秋月春花等閒度誰
憐窈窕近新故夜夜虛迷洛浦雲朝朝枉結陽
臺雨帶縮同心只自憐枕期連理翻成誤眼前
相愛豈相知彈指風光節物移只道青春鎮長
好那知白髮易如絲容顏銷歇鶯花冷歌舞淒
涼鞍馬稀昨日樽前雙泪落誰似周郎情不薄
得配鴛鴦死亦判願諸魚水生相托青鳥緘封
書莫遲秦樓腸斷夜烏啼君卿豈羨東墻約梁
氏應同舉按齊

長相思高啓同賦

唱歌別君酌君酒出門不道離家久一日三時
聽馬嘶陌頭又見青青柳曉日遊絲墮粉墻聞
中啼鳥人斷腸鸞巾粉浥新年淚鳳枕情遺舊
日香比翼鬢雲長自愛合歡睂黛爲誰妝經春
魚雁無音信落花風急愁成陣走馬常提白玉
鞭封侯何用黃金印昨夜銀缸粲作花定是行
人當到家玉壺瀉香紅燭煖雞啼一聲嫌夜短

瓊姬墓宋仲珩同賦

野花凝粉釵瓊姬醉時面夕露柳絲長瓊姬晚
黛妝行人墳上莫回首一顧春風一斷腸

秋夜詞

銀牀露滴梧桐葉紫殿香銷水沉屑玉簫吹罷
晚妝殘半搭珠簾拜新月
金殿人稀瑣窗綠鞦韆路紅蘭通秋馥生憎月
傍玉堦明芙蓉花裏雙鴛鴦

田家樂寄張師孟

田家樂今季庄農好秋作蟄龍蛻骨枯棹懸五

穀成登時雨若官家更憂民力疲公田折布能
輕齋小姑攜筐懶梳洗拾得綿花如雪肥大姑
軋軋催機杼踈簾樹影寒蛩語髮雲籠霧颺西
風看月生涼褪秋暑山徑牛羊下夕墟蕭蕭榆
柳草堂虛野老杖藜邀小酌諸孫燈火讀殘書
簡孔博士

宿雨曉還歇開窗消鬱沉煙光靄芳樹池上鳴
幽禽透迤瞻郡齋窈窕期盍簪孤懷屢百積羣
疑思一箴何時聯夜榻春涌委波深

左掖門朝退呈吳待制諸公

謬忝金閨籍聯班趨晚朝逶迤西上門窈窕長
安橋殘雪帶遠樹夕陽在山腰不有同胞者疇
能慰寂寥

別京邑之東阿

前季別鄉閭今季出京邑悠悠去江漢杳杳事
行役所懼心志違況此風波急烏啼楓樹煙雁
下蘆洲夕回首望長安蒼茫寸心失

春夕直左掖懷周侍御

晚雨池上晴透迤淡將夕金莖華月生綺樹流
雲濕窗虛漏聲永幔捲爐煙襲憶我同袍人何
由共瑤席

憶園蘆

種園在東臯草荒瓜蔓長日落秋樹涼褰衣獨
還往時逢野老憇自足田園賞泂溪暝忘歸古
寺煙鐘響

經汝弼叔故館有感而作呈汝尚叔及彥

常弟

山館澹將夕寒燈對爐熏墻陰古梅落池深芳
草春踈櫺帶斜月連牀非昔人履綦無往跡琴
冊有餘塵坐感歲時改心悲文采湮緘題不忍
寫悽惻淚沾巾

題丁氏晚香卷

百草秋已謝佳菊獨含姿涼飈動秋馥夕露敷
寒綈透迤被三徑窈窕盈東籬誰憐幽貞操自
托遲暮期持觴挹其秀靜使君子安

經白將軍故第

粉牆將暖日依舊柳條新上馬臺邊路春風無
一人畫梁暗巢雀綺席委芳塵桃李東園夜餘
香歛翠嚙

西平沐公輓詩

桓桓西平公虎膽如缺色總戎領貔貅破敵撫
蠻貊安邊鎮藩省匡濟立勳策十季叅幕府深
愧簪纓客酌酒瞻南雲悽其寸心折

胡叔直輓詩

清如巖下梅瘦若松上鶴時聞九臯唳孤響

雲壑仙籍登玄都文藻通紫閣詩魂不可招
雲雨苔剝

傅子初

柴門對青山茅屋俯流水伊吾夜無眠寒燈墮
紅葢聲名一朝振車馬動閭里書臺悽暮煙過
客猶仰止

蘇平仲

看山文獻源後裔稱傑作垂雲九苞鳳瑞世麟
一角乘運登禁林雄筆振臺閣荒隧誰招魂悲

泉咽雲壑

魯志敏

魯山堆月塲苦竹蔭清樾茅屋哦春風衡門臥
寒雪高義磨層空妙句追往哲平生憂國心泣
涕屢陳策

朱原立

門對箕山雲喬木蔭桃李鄰曲誰往還鉛槧塵
滿几馬啼踏槐花捧檄爲親喜古市今蕭條人
稱紫陽里

劉子高

匡衡昔攻書繼畧鑿鄰壁短燭凝隙光流輝映
細帙苦力追正音漢魏深祖述落筆人爭傳文
聲重千鎰

高季迪

閨閣門前樹烏啼華月圓詩吟倚樓上午鼓未
成眠翠袖添珊瑚烏絲寫粉箋每懷經濟念鸞
鏡感芳季

方方壺

蓬萊五雲宮金粉飾椒壁醉時臥瓊瑜酒醒灑
墨汁傲世雙眼高鬼谷白雲濕玉堂寄書來落
月夢相憶野鶴弔孤松衰螢照荒陌

黃季倫

折節委榮寵頓將生死齊秋荷補壞衲空林旅
幽淒懸燈禮繡佛清齋烹露葵虎溪流古月自
與遠公期

藍靜之明之昆季

清碧杜先生隱居武夷前朝以處士聘不起

藍氏昆季其門生也文翰英美青出於藍焉
靜之隱處明之官至按察

徵君天下名書藏武夷曲金澗青出藍丹田白
生玉棠棣馳英聲芝蘭播清馥桂林持節還高
風振林谷

李燦然

書將五車讀少季觀國光龍池柳色綠官驛槐
花黃賜衣照春色淡墨題秋香林塘遺故宅翁
指鄭公鄉

葉楚庭

船頭酒百壺船尾書百冊閒騎桃花馬醉弄西
湖月狂吟捲秋濤聲撼扶桑折滄海無還期哀
魂楚雲結

吳用晦

其祖月灣先生也

滄灣俯空寒老月懸古色殘花漂斷沼野徑繞
荒宅王珣稱短簿牙笏猶故澤文藻遺江山蒼
茫暮煙隔

題呂花園草堂朱雀橋

何處銷殘暑城南茅屋幽晚煙將野色春樹帶
江流愛竹從兒種耽杯與婦謀生涯成老圃不
是故時候

郊居雜興柬陳途良

風雨人行少柴門午尚倚土花沿砌碧山果墜
枝青病眼耽書癖衰顏托酒星經邦方尚武寂
寞抱遺經

義城十二景其一曰烏石樵歌

烏石岡頭路林巒勝景開洲連青野濶山俯碧

溪迴墨沼春生草書堂雨蔭苔樵歌時出谷野
興屢登臺自得園廬藥生涯不用媒

花橋釣艇

花橋通駟馬錦里昔鳴珂紅雨桃飄浪青絲柳
蘸波石欄晴更倚釣艇暮還過魚暖金翻藻鷗
涼白宿荷先賢多勝賞落日一漁蓑

魯壇古市

洙泗流波遠尊崇百代同衣冠循習氣俎豆想
餘風市廢殘槐綠壇虛笑杏紅壤垣迷古鐸宥

草臥懸鐘文沼今更化絃歌幸歲豐

雙溪明月

月照雙溪水春流燕尾又光移船柁轉影落釣
絲斜壁彩澄鷗渚金波漾雁沙扣舷清不寐浩
興欲乘槎

萬斛晴雲

萬斛雲姿秀巖棲伴古松尚橫秦嶺態猶帶楚
臺踪林碧晴縈絮天青晚作峰也曾閑出岫上
下逐飛龍

東閣書聲

草閣深絃誦吾伊徹夜分鄰雞銷夕漏簡蠹護
香芸山鬼吹燈聽溪僧隔竹聞斷機遺訓在秋
夢落青雲

得漢爨簡周伯寧索香灰

古爨多欵識蟠螭漢篆存黃金銷土色翠羽飲
雷文綺席流寒月銀屏度綵雲蘭灰能累寄長
吟盡夜分

聽雨堂爲安成周氏賦

中季迫宦游邈若胡與越悠悠煙樹遙杳杳關
河絕況茲風雨夕坐想鴻雁隔荒墳寧共理孤
燈耿還滅懷寶重經濟括囊貴明哲何時對牀
眠慰此腸內熱

敬軒詩爲王達善賦

深巷何窈窕端居掩柴荆素心每無欲寡朴輕
浮榮慮盡默自守神清淡忘形危坐白日晚踈
林微雨晴開窗幽鳥啼滿堦芳草青焚香奏絲
桐愛此塵纓清孤雲野鶴唳絕壑流泉鳴高懷

曠而婉雅音誰復鳴古人良已久寸心千古情
題蘇子卿牧羝圖

穹廬十九季坐臥持漢節歸來兩鬢班疑帶天
山雪

寒食客秦淮憶舊

去季寒食長途客桃花落盡梨花白今季寒食
客秦淮杏花李花無數開東風凋殘白羽箭落
日獨倚黃金臺緇塵蕭騷吹病目破帽烏靴泥
漉漉藜杖東山甲謝安悵望飛雲仰天哭淒涼

心事更誰憐絲絳可以調絲絃子期已矣伯牙
死高山流水空荒煙王孫不歸芳草暮解衣沽
酒驅愁去誰言一醉可消愁酒入五腸肝膽露
便擬揚帆析木津仍期掛劍扶桑樹志士長懷
溝壑憂功名百歲等浮漚雨晴浪暖河豚上載
酒滄江弄釣舟

題諸葛武侯廟

武侯古廟臨江市碑仆蒼荒字殘廢巴東巴西
巫峽長父老至今來拜祭木牛流馬將何施君

才十倍當曹丕託孤付國寄大事輔不可輔卿
爲之股肱竭力誓臣節五月渡瀘親出師君臣
氣義出肝膽千古淚落令人悲江流不盡潮聲
咽嗚呼遺恨三分國沙際空遺八陣圖蒼梧雲
暝秋蕭瑟

題崑崙雪曉圖

自有宇宙便有此山六丁智力憚疏鑿一氣神
秀鍾噴岈九龍上蟠日月麗六鼇下鎮滄溟寒
西母雙鳧遠莫至周王八駿遙難攀萬仞皚皚

太古雪大明中開燭銀闕玉京瑤圃恍瀛洲一
洗胸中煩惱熱自非砥柱障狂瀾大地蒼生混
魚鱉摩挲此圖雙眼開令我胸次生崔嵬安於
磐石奠四海長歌萬里大風來

過南湖嘴

城頭開船北風起帆輕直過南湖嘴上水歡呼
下水嗟龍王廟前准燒紙小婦板罾楊柳磯淮
鹽換得鱖魚肥沽來新酒不成醉臥聽鄰船歌
竹枝

宿潯陽

潯陽城頭秋雁啼霜寒木落紅霏霏孤舟晚泊
日當西纜繫石橋楊柳磯庾樓基廢迷煙樹猶
記樓船爭戰處草店蕭條野客酤女墻依舊官
軍戍逝水滔滔送落暉繁華雲變不勝悲當季
司馬青衫淚翠袖琵琶夢已非

題賈文彬耕樂堂

前季戍醺口關去季來利陽鎮花陰臥犬喜官
閭沙際飯牛饒野興江村寒食落花初水滿平

田宿雨餘凝塵懶拂鵬翎箭負米歸來讀夜書
耕讀生涯爲子昇弟作

杏花開時啼乳鳩平野雨霽青煙浮稚兒呼犢
催蓐食長簑短笠登西疇布谷村南聲逐逐勸
人種苗食新穀蛙聲知歲卜田頭龍骨聲閒臥
泓曲九農鼓腹喜奉登穰稔連雲欣歲熟草堂
低接榆柳墻柴門半掩歸牛羊溪虛笛弄夕陽
晚木脫風高秋露涼窗下移燈把書讀老翁燃
松當短燭但願官家徭役平雞黍季季會鄰屋

樓碧軒爲陳指揮賦

瑣窗斜隔紅塵道芳草滿簾晴不掃
堦前馬踏杏花泥柳外鶯啼春色好
羅袍犀帶紫金魚壁上瑤琴牀上書
雲挾城頭春雨過一庭修竹讀陰符

題滕王閣

珠簾畫棟當南浦岬草汀花幾今古
九江潮白雁橫秋五老雲青龍出雨
浩蕩滄波去莫回淒涼唐室不勝哀
空遺王勃文章在父老扁舟

酒來

題趙文敏公墨竹爲宋景濂學士賦

坡翁老可俱已仙誰寫石上青琅玕
淇園蕭條白日晚渭水寂寞西風寒
歸來三徑無人共翡翠參差涼露重
瀛海終期釣六鰲縵山自擬棲雙鳳
八月秋高夜向沉長梢彷彿生清陰
千尋楚水三閭操萬里天山屬國心
洞庭冥冥波浪急模糊爪甲蛟龍蹟
悵望天涯翠袖愁一片湘雲淚痕濕

大梁行

大梁繁華全盛日宮闕浮天耀桃李魏國山河
十萬兵信陵賓客三千履上苑春晴花覆闌關
雞走馬事金鞍銀燭填街美人過紫蓋凌雲公
子還五侯七貴行人避吐膽傾肝論意氣朱亥
能移晉鄙兵侯嬴自執夷門轡回首英雄非昔
時輦路人稀秋草迷舊遊歌舞今何處落日狐
狸當樹啼

潯陽行

江頭女墻啼野鳥亂石如壘驚濤呼潯陽九派
控吳澤匡阜千峰廻楚壚當時形勝夸疆土連
雲宮苑旌旗樹庾亮樓船赴國仇隳王版籍歸
英主盛季一去水流東冠蓋繁華處處空兩岬
蘆花浸明月滿汀煙樹鳴秋風古戍何人晚吹
笛客船莫向城邊繫翠袖琵琶夢已寒青衫易
灑天涯客

荊州護衛指揮陳公伯英鞍馬之暇焚香

吟詩高懷雅量令人起敬賦詩承教

將軍少季英氣豪學劍論兵談六韜龜紋璪甲
紫絲轡虎皮鞍韉紅錦袍三尺雕弓兩斛力八
歲龍駒雙佩刀不憤旄頭如火赤從駕南征破
戎狄鴻雁啼霜瘴月昏駱駝載雪狼煙濕羽檄
流星烽火連塞旗誓欲靜三邊啣枚榆塞金瘡
苦洗箭沙泉戰血羶柝營日落鳴笳鼓玉帳籌
邊月當午酒壓葡萄壯士歌花插真珠美人舞
奏凱歸來拜玉墀天恩頒宴畫樓西漢家未數
蕭曹業麟閣丹青姓字題

遊丹青閣

橋南楊柳綠成行出郭尋僧到上方城拱煙霞
開錦繡山圍松竹奏笙簧半簾晚翠涵溪閣一
枕秋雲護石牀安得遠公同淨業白蓮池上挹
天香

丁卯立春簡蔡宗文昆季

玉琯吹葭已應灰字題春帖手斜裁震司木德
三陽泰律協條風一氣回鸞輅憶陪趨御苑燕
釵魯賜出宮醅文園多病歸田早鬢影東風看

野梅

簡戴彥碩

故人營得草堂低老圃連城近市西碧注硯池
荷葉露紅粘屐齒杏花泥書懸牛角朝耕地飯
飼魚苗晚灌畦只恐長安雲路近馬蹄催夢聽
朝雞

呈西平侯沐都督西征

西虜憑陵久不賓詔書五道出將軍龍光燭劔
銷邊稜虎氣揚旌壓陣雲周廟昔聞方叔頌漢

廷今見貳師動春風三月鶯花禁歸騎笙歌奏

凱聞

早春呈吳待制

上林春早陌塵香紫禁觚稜射日光新綠御河
搖柳黛小紅宮樹試桃妝山連曉氣蟠龍虎臺
枕東風憶鳳凰心折故園幽興獨尋僧看竹過
鄰墻

寄買文彬巡檢

故人一別動經春野渡維舟送夕曛銀燭照窗

秋聽雨角弓懸壁晚看雲山城旗影中流見草閣書聲隔岬聞江漢茫茫多舊識猶能俎豆說將軍

與子昇弟觀捕魚

擗條風脆已梳黃潮落江空石露梁帆脚壓霜寒殺網柁牙移月夜鳴榔載車有獵曾占渭鼓枻無歌豈濯湘又得錦鱗長尺半鄰翁新酒正吹香

徐叔度黃子初王仲愚同宿徐彥輔齋次

韻

草堂不厭客過臨清暑銷塵帶石林溪靜白鷗晴泛影樹幽黃鳥晚留音綺窗分榻簾陰轉銀燭移樽漏滴深向秀不堪鄰笛感墓亭秋思易傷心

寄表弟朱永容永實昆季

渭陽河畔畫樓西紅粉闌干柳樹齊窗底折花騎竹馬街頭籠草鬪山雞銀屏褥隱鴛鴦竝綺戶香凝翡翠棲回首繁華成舊夢對牀今雨不

堪題

過蕪城懷古寄程伯羽劉子雍胡伯清

珠簾十里瓊花月惟見荒城背夕曛潮落邗溝
迷廢壘樹連瓜步帶殘雲雄文猶記陳琳檄故
苑空遺煬帝墳書劔昔曾趨幕府白頭應愧鮑
參軍

姑蘇懷古

城枕姑蘇笠澤西垂虹橋接草煙迷闔閭古墓
騰金虎勾踐空營失水犀扶日樹荒羣鹿走捲

心臺廢亂鴉啼館娃香逕歌游處響屧廊空流
燕泥

過錢朝陽故居有感柬程伯羽汪宗彝

短墻依舊草堂深蘭徑重過思不禁芍藥紅殘
花漂雨甘棠綠嫩樹成陰帖臨青李池遺墨曲
奏朱絲壁憶琴回首風流陳迹冷山陽鄰笛淚
沾襟

俠氣

中季俠氣未全消通籍金閨躡紫霄龍尾趨班

長漏轉螭頭簪筆晚香飄柳迷輦路迂瓊佩花
壓宮牆度絲簫報國自慚衰朽質經秋歸夢到
漁樵

拜外舅陳公禹謨墓東陳原輔

貳館東風憶昔奉笙歌如沸酒如泉麒麟錦帳
銷銀燭孔雀雲屏列玳筵井場銅瓶渾臥雨香
闌瓊佩已迷離傷心孤塚楓林外寒食殘花墮
紙錢

和九日韻寄朱見中二首

野樹荒臺帶晚陰昔年歌舞憶登臨桃花紙屐
西風冷蔓草銅駝夕露深舊夢青雲連館閣多
情華髮老山林江南庾信傷秋倦疎雨簷櫳怯
暮砧

憶從天上宴黃花烏帽秋欹鬢影斜宣賜綵壺
香注蟻醉簪宮筆墨塗鴉雲連雉尾開金闕日
射鸞與引翠華退食從容休沐早短屏驚雨夢
還家

次秋日韻奉汝弼叔

歷代詩選 明 卷二十六
三徑歸來菊未荒半凋楊柳弄初涼銀屏紈扇
題秋句金鴨羅衣換夕香老憶風雲趨北闕夢
無花月待東墻狂游尚記秦樓別翠袖紅綃拭
淚行

送春寄楊孟瑄

腸斷春光春可憐登山臨水送將行天連草色
圍孤嶂樹帶河流遶故城幾點落紅迷蝶影一
庭新綠占鶯聲殷勤更約明秊早酒對陽關感
別情

題葉楚庭醉漁卷簡彭敬宗劉子厚子明

二首

落盡茶蘼草覆裯二分流水一分塵小車都載
鵝黃酒蘇小墳前醉過春
渴眠蓬底口涎流麩葉爲池槽作丘便向五湖
成浪死墓題應得醉鄉侯

京口中秋

歸棹前秊酒滿缸牽衣稚子慰離腸却憐月色
連秋色依舊他鄉憶故鄉

題舅氏亭簡朱原立陳遂良陳原輔

渭陽池館花如霧曲曲闌干面面池記得少季
遮妓飲至今楊柳學腰肢

暮春寫懷二首

楊州書記鬢蒼蒼每向春歸欲斷腸剝欲典衣
沽酒飲風流無復少季狂

青梅煮酒蔗芽肥倦客懷家入夢思想得故園
風景好一庭香雪落茶蘼

待渡溪澗因憶辛卯五月廿五日實先

母誕辰時家宴彌旬名妓陳巧兒樓船
將還諸兄飲餞張宴設樂管絃竟夕今
轉盼三十五季矣念少季紅香翠夢俯
仰之間風流雲變華屋丘山寒煙蔓草
春風如昨痛諸兄不可復作予髮亦種
種焉感今悼昔不勝其情賦詩以寫懷
畫船曾駐渡頭西翠黛凝歌憶送歸今日不堪
重繫纜滿汀煙樹昔人非

繁華雲變都非舊一片寒沙臥夕陽惟有壞垣

春雨裏野花猶似美人妝

予舅氏朱民俊會心懋老二亭幼時往還
必預宴賞今已荒棘重來有感東朱察

允實

懋賞亭西多牡丹季季攜酒向春看于今池館
都非昔野燒凝煙暮雨寒

石倉十二代詩選

明詩卷之廿六終

盤谷李翁遺稿序

葉子本靜往還於余者舊一日歸自太平道其鄉美溪有所謂盤谷李翁者名勝原生

國初兵亂時以兵略自負嘗偕叔元帥誠公從戍我

皇太祖有領兵取復江州之功得受繡袍銀碗之賜事載縣誌可考也其後辭歸美溪以保障一方爲略鄉民多賴之然卒之後竟以無子莫爲圖其後事者而所家藏遺詩數百題亦竟湮

沒莫爲之表章以傳吾謂其族之裔固當任其責而故因予以遠來丐先生之言弁諸詩之首而幸其言之不泯人之因言而益彰也則豈惟李氏之爲先者幸抑亦李氏之爲後者幸也余以李氏子偕葉子遠來而旣許之旣乃告之曰世之負霸王之略藏匿山谷而不以售者有矣然竟湮沒無所稱述於後者抑何其數數也翁以兵略事

皇太祖於摧鋒陷陣之餘謂爲委身勤國非下且終其身後受繡袍之賜亦旣生有餘榮矣今其詩埋沒百幾十年之久而始得有表章之人信乎三立不朽之在穹壤間也時秘而秘時洩而洩固自有鬼神默握其或遲或速之機而不容以人意叅焉者也玉得卞氏而始名而吾何能不爲李氏慶也公叔父元帥誠公卒亦蒙太祖遣官致祭是生榮死哀萃于一家又皆譜牒之可書者傳曰惟善人而後能成人之善念斯闡先之念也在前人效勤國事則爲忠在後

人闡揚先烈則爲孝忠孝立而人道之大坊在
矣而吾何能靳於斯言

嘉靖戊午中秋日祁門石龍山人王諷夫忠詩
書于山房



石倉十二代詩選

明詩卷之二十七

盤谷集

大明

當塗李勝原著
後學曹學佺閱

山行

逕入雲深處行行日欲斜山環六七里溪遶兩
三家隔竹聞飛瀑隨風看落花村翁偶相值且
與話桑麻

望黃山

望中何處是黃山山色空濛紫翠間六六奇峰

開海島重重彩霧擁仙關
雨腥洞口龍應出月
冷松梢鶴未還我欲乘風
凌絕頂軒轅雲駕直
須攀

過郭公嶺題山店壁

時戊戌年二十三同
方林諸公訪胡元帥

薄暮風前暑氣收
扶筇嶺上縱吟眸
一團林麓雲深處
三兩人家山盡頭
無酒可沽酬舊識
有詩聊寫記曾遊
丈夫未必輕年少
寶劍龍光射斗牛

湖口渡江過江州

曉衝湖口發殘月
五更前勒馬問寒戍
隔江呼渡船
劍鋒淬淮水
旗影壯山川
祖述應如是
吾心亦慨然

晚上江州

去去潯陽江水長
望中風物轉堪傷
玉樓金屋成荒土
古木寒鴉空夕陽
城市高低三十里
人家興廢幾多場
英雄草昧瓜分處
大業終歸是聖皇

過石几嶺庄舍漫書